

晚晴籀詩匯

第六四册



晚晴移詩匯卷一百六十七目錄

金和 十五首

施山 七首

劉履芬 十一首

雷浚 九首

史蘭 一首

丁申 一首

丁丙 六首

丁午 一首

莊棫 三首

王繼毅 五首

王詒壽 二首

蔣節 六首

陳文駟 四首

馬賡良 十首

王柘 七首

李齡壽 五首

羅志讓 五首

丁堯臣 五首

魏錫曾 六首

汪琮 十三首

吳養原 二首

譚鍾鈞 五首

沈銛 一首

胡公壽 一首

蔣確 二首

沈祥龍 二首

張定 一首

葛其龍 三首

黎承忠 十首

俞燿 七首

王詒書 二首

王燦燦 五首

王詒書 二首

王燦燦 五首

王詒書 二首

王燦燦 五首

王詒書 二首

王燦燦 五首

王詒書 二首

王燦燦 五首

王詒書 二首

王燦燦 五首

王詒書 二首

王燦燦 五首

王詒書 二首

王燦燦 五首

知縣等書 目錄 一百六十五目 終

晚晴謩詩匯卷一百六十七

徐世昌

金和字弓叔一字亞匏上元人貢生有來雲閣詩橐

詩話亞匏負不羈之才粵匪破金陵全家俱陷於賊時向忠武駐軍城外亞匏謀內應往來賊中而官軍屢誤期會謀洩事敗僅以身脫時論壯之詩酒跌宕老於賓客凡清人之翱翔黍離之顛覆身親日覩故言皆實錄可當詩史

避城

海上逃人言鑿鑿夷於丁男不甚虐惟與婦人作劇惡比戶由來皆大索城中兒女齊悲嘯四鄉一一謀枝棲尋常家具邀人齋腰纏浪擲輕如泥誰謂鄉農亦稱霸百金纔許蝸廬借瓢水束薪珠玉價釵鈿裘襪奪之詐稍不如意便怒罵搶地無言但拜謝道來此間已被赦不見鄰婦頭

髮髮無錢能賃香筍籃膝前有女年十三中夜急嫁西家
男身攜布被居茅庵

募兵

城中舊兵不如額分守城頭尚無策何論城下詰暴客市
兒反側頗接跡一旦招之入軍籍朝來首裹青布幘細襪
革鞞勒盈尺黑衣蔽腹袖尤窄堂下羣鴉立無隙或舞大
刀或磔石取其壯健汰老瘠九城纍纍保衛冊晝坐當門
怒眼赤大聲能作老鳥嚇惡句往往暗禡魄夜出走巡街
巷柵火光燭天月不白木梃竹鞭在肘腋吠犬無聲都辟
易一人日與錢一百勤則有犒惰則革借問誰司鼓與鉦
居然高坐來談兵百夫長是迂書生

揚州客邸作

百六十一

不慣揚州住蕪城數暮鴉世情原魯酒人意亦唐花客路
江難縮秋林日易斜雲邊親舍近吾夢欲還家

王嬙

紅顏竟許到沙場休抱琵琶意更傷不是出宮時一拜今
生何處見君王

西施詠

溪水溪花一樣春東施偏讓入宮人自家未必無顏色錯
絕當年是效顰

五月七日母命出城避賊

老母傳示紙三寸敲側澹墨十數言謂聞爾日賊促戰干
家萬家人出門爾獨何爲戀虎口六世名族惟爾存身是
婦人當死耳此時言義休言恩爾去將情告諸帥況爾有

明晴錄詩匯卷一百六十七
口兵能論背人讀罷火其紙纔欲痛哭聲先吞中夜起坐
不能寐十指盡秃餘齧痕在家何曾得見母母教誠是兒
智昏宿將南來過兩月胡至今日軍猶屯或者條侯太持
重不識此賊原游魂儻以裏言走相告未必幕府如帝閭
藉手庶幾萬分一還我甘旨雞與豚甘作罪人背母去甘
金饋賊吾其奔

初九日出城既至善橋作

出城二十里世界頓清涼不覺髮將白纔知日尙黃居人
盡旗鼓吾輩又冠裳重見聖朝詔羞揮淚數行

自秣陵關買舟冒雨至七橋甕馬總戎龍營求見

早潮人說船行易五十里路夕未至夜深雷雨破空來疑
是城頭戰方利小船漏水時欲沈袴襪無乾不能睡燒燭

聊談紙上兵到曉剛成六千字遙遙乍見當頭旗船得順
風槩生翅須臾繫纜營東頭萬帳星羅眞得地此時兩猛
更逐人草滑泥深策無騎束縛芒屨側足行軍前豈可輕
兒戲漸聞朝令許傳呼長揖扣門敬投刺將軍竟作階下
迎纔見逃人先迸淚敢謂此賊不難平三月遷延自攻愧
張髯怒罵驕兒兵如所云云頗非醉坐來徐獻袖中書五
策居然中三四欲推欲輓忽沈吟前席無聲似酸鼻但言
大帥在鍾山到彼雄心儻一試我聞未免中狐疑於我何
嫌若引避歸船聽取道旁語請戰都非大帥意將軍近已
病填膺不是將軍不了事

初六日將辭諸營而去

旁觀不覺舉棋頻梟鳥聲多漸惹瞋吾舌能令金馬泣軍

心只似木雞馴侯嬴有劍難從死伍員無簫欲救貧徒賺
北堂占鵲報猜兒已作後車人

初七日去大營擬寄城中諸友

十萬冤禽仗此行誰知乞命事難成包胥已盡滂沱淚晉
鄙惟聞嘍喑聲自古天心慳悔禍雖余人面錯偷生一身
輕與全家別何日殘魂更入城

聞落葉聲有感

夜夜空階落葉橫因風隨處答蟲鳴紙窗如墨每疑雨華
髮成絲是此聲蘭芷江邊遷客淚蘼蕪山下故人情飄零
自分無歸日略向歧途訴不平

還家

還家翻似客兒女一時喧亂閣囊常礙新支榻不溫縫裳

促冬綫翦燭戀宵尊幾日聽江雨征帆又在門

夢月夜游筆架山歌

我昔初游筆架山重巖絕巘窮躋攀夕陽滿天下山去山
靈笑我真癡頑夢中來呼渴睡老汝昨看山愛山好好山
不向月中看誰識此山天下少我歡躍起歡相迎山靈挈
我隨之行騰地直上一千丈此山屹立如在不夜城九閭
咫尺通帝京四邊寂靜無人聲舉頭不見團團月卻是廣
寒舊宮闕萬戶千門無點塵珠斗銀潢共清絕此時姮娥
露真面雲錦衣裳颺紅電須臾放出大光明融結此山成
一片山耶月耶兩不知浩浩長空互秋練山靈語我此奇
景除卻此山無處見此山南來第一真洞天今作窮妻湯
沐縣繞縣徧種丹桂花靈根來自海市鮫人槎云是結璘

使君手贈春風芽此山樵童漁女一一皆以花爲家花開
花落一十二萬載古樹今樹不斷香橫斜偶然桂子月中
墮當作瑤池靈藥可白兔誰聞天上春青鸞自寄山中果
人生得入此山游仙籙何事更向佗鏗求此山一草一木
一猿一鶴俱是不凡品而況餐煙吸露之靈修我心默默
方然疑忽聞侍從傳語山靈知近來吳剛老病疲其屬八
萬四千戶斤斧往往乖常儀一去蓬萊十日不復返聞其
爛醉蒲桃新酒無醒時頃間同游下方客落落冰玉無俗
姿吳剛修月不稱職今後其人客代之山靈賀我促我頓
首謝我有我志請畢今夕語我之學儒僅僅知謳吟我之
學農僅僅習耕稼其他一切愚過移山公而況生平懶同
嵇叔夜塵世不願受羈勒天府何堪任驅駕幸爲更乞恩

外恩曲怨草茅蟣蝨臣七寶樓臺非我事匠材別選甯無人山靈對我長太息叱咤一聲如霹靂驚回春夢落河海依舊青燈閃蓬壁東窗指顧搏桑紅照見此山最上芙蓉峯

登木末亭懷太白

碧蘿祠宇裊茶煙曾此行吟有謫仙自著錦袍上天去鳥嘯花落一千年

送曾襲侯出使

江上逢旌節中朝第一流時名謝安石先德武鄉侯許國無回顧彌天此壯游長風九萬里何止到瀛洲

施山字壽伯一字望雲會稽人有通雅堂詩鈔

詩話壽伯幕游湖湘間詩縱橫曲折其氣特盛七言近體工於發端時有空同大復遺響

吾廬

萬壑吾廬外蕭然一布衣家貧親老易地僻客來稀開卷
前賢過窮居世事違坐看小烏雀街食向巢飛

聞客話滇南

檳榔花發碧雞山昔有藩王鎮百蠻歌舞銷沈宮殿廢亂
雲猶擁七星關

庚午春日天門城邊看灌麥

蟠豕東流日變遷淤湖春麥綠成田漸繁生齒兵戈後試
數兒童隴畝前西顧猶愁回紇馬南漕久廢運河船談何
容易匡時略搔首斜陽古郭邊

咸豐三年冬貸粟錢江農人張國震餽錢以濟是日

暴風不止先王母倚閭憂甚距今十九歲矣感懷

成詩

百歷冰霜年少日一錢生死感人恩飢寒歲暮親垂老風
浪江干日已昏禱佛鑪煙歸未絕極天墳樹遠無痕天涯
又愴清明近麥飯何時拜墓門

偶樵寄示舊作藤鼓行三章歌以和之

蒼梧羊石端州門以藤爲鼓吾所聞君於三鼓曾見一作
詩氣壓千人軍明臣滅賊根株絕更挽妖藤寶刀截團團
冒以黃牛皮罰令司更贖前孽二百年來亂夷狄騰騰擊
鼓鼓欲裂大臣輦帶曾三錫辱國喪師不可說坐令米賊
輕國憲南紀滔滔日流血卽今輦鼓中原息西北萑苻未
誅滅安得拔釘禡牛皮老藤十丈復聯結皇靈感物變頑
性飛渡黔山斬萌蘖歸來作頌鐫其功藤皮堅滑刀如風

岐陽之石蠻溪銅以比爾鼓將毋同雲臺馬武山林雄中
興漢代聲隆隆誰知順逆妖祥異湖海猶憂伏莽戎

蒲圻城頭晚眺有懷仲丹都中

山山黃葉兼紅葉松竹蕭森掩映之雲裏譙樓雙塔迴鳥
邊暮雨片帆遲風光絕妙秋深後客思蒼然獨立時忽見
洞庭霜橘至故人京國最相思

題趙州王節婦畫水

趙州古寺發王氏畫壁流觀吳道子精魂白日游九泉倒
捲黃河入腕底波瀾於古真莫二毫端激灑涵元氣晴晝
如聞風雨鳴空堂疑有魚龍至鱗鱗閃動不敢捫安得巨
掌擎海門颯然冥項忽飛入炎官赤帝皆驚奔或愁異日
冬寒惡地凍天冰受椎鑿嶙峋純是血點凝百劫千災豈

銷鑠高風蕭蕭環翠閣海客南歸袖雲壑秋成不勞憂旱
乾萬稜去聲農田繞山郭田間寡婦拾穗同憐渠耕石恆年
豐猶傳黃鵠孤飛日惡浪驚濤淚眼中

劉履芬字彥清一字泖生號滬夢江山人官戶部主事

改江蘇知縣署嘉定縣事有古紅梅閣遺集

詩話柳生博雅工文辭權知嘉定有折腰督郵之憾
又遇殺人獄未得主名悒悒無聊一夕自裁極才人
之不幸一時士大夫深哀之嘉定程序伯曾為郭類
伽作老復丁菴圖柳生生於丁亥與類伽歲紀正同
因屬序伯仿其意作圖并有自叙一首時道光己酉
歲也柳生後有懷舊詩云名場踪跡感頻伽悔把詞
章換鬢華孤負紀年同
一樣竟教汎宅挈全家

歲晚述懷

吾無應物材涉世誠大難靜默欲養心觸事多憂患讀書
不致用焉貴抱叢殘愧此編氓徒力食供晨餐貧賤未為

辱親密未知歡芬馨湘南草詎若庭戶蘭俯思勵至行束帶憐朝寒

二月三日放舟至木瀆宿石心村居越日登靈巖山
遠眺循麓過披雲庵看梅冒雨而歸紀游

薄霧戀山坳日在征鳥背出門一舸浮峭碧點波碎橫空
見塔尖如佛影孤髻逾近煙水闊舍舟見古寺我友汪居
士避俗隱茲地布被可留客門巷不嫌隘檜雨燒團茶飫
口園官菜卧聽萬壑風足洗胸中穢

微露濡行人攬衣起破曉一步一看山翳叢驚宿鳥風廊
出溟渤鐘聲散遲早松樹千百盤近覺青可拗思夷勇孤
往步險怯始造不知路所極雲起手能到數數列階級落
葉琴臺掃無與苧蘿人洞門闕春草

上山復下山僧廬三里餘無數梅花林照水爭清疏禪宗
息文字掩關終歲居自惟種植緣長笑溺與沮結趺坐苔
石啄木下自如衆香了無際安用悲萊蕪亞枝落橫玉還
讀法廬書一甌綠雪湯自易情懷孤

寄陳曼壽

短榻移鐙客夢疑蕭蕭殘竹月明時未愁僻地鉏茅始頗
悔攜樽就鞠遲人外孤鴻無靜境酒邊雙燕有春癡近來
祇合關門住卧誦江湖聽雨詩

舟中贈楊見山

峴

停船看明月夜永一鐙虛獨往青山後論心白首初浣衣
今一笑食肉爾何如後約應期我秋風江上書

都門客思

浩想煙波采白蘋開簾靜對月如銀模糊雲樹三千里抖
擻衣裳十丈塵處世正非貧可了還家只盼夢能真曹司
事簡朋儔隔自起烹茶析澗薪

夜坐荷芳書院

秋聲不在山月色融於水菊畦兩三叢爛漫炫金紫淨鄉
廣作綠池隙扶六枳霜重警林鳥波寒定潭鯉豈惟荇藻
流鐙影一船艤舊游吳越交十載五湖涖清景對靈抱良
宵數有幾

觀姚少師錄童中州後和陶詩書後

中州名冀金華人見列朝詩集

其手蹟今為獨山莫氏藏

道衍未入燕能詩乃名詩偶寫友朋作命意殊冲夷中州
舊相識寄遠界烏絲一卷後和陶書以徇心知繇靖不再

覩自洗輒媚姿足知才力强所施無弗宜和尙故不錯責
之何苛爲吁嗟太孫帝柔弱祚漸衰文皇一振厲遂廓二
百基此見和尙功長育亦不貲世俗恢奇策傳聞多可嗤
要之游佛門固是英雄師往昔見摹本手跡今茲披他年
請刊石用補集所遺

吳園

拙政山楸怨老梅百年池榭幾遺栽碧桃臨水才三足猶
背東風滴淚開

答潘麀生

闌風苦雨積莓苔兼喜湖山綠酒杯握手花叢人漸老論
心水會我重來頻年離緒桓三弄徧地征塵杜八哀短後
儘儂落臆馬公言龕亂正須材

雷浚字深之吳縣人諸生有道福堂集

詩話深之吳中宿儒研經博物承里中惠江諸家之緒興會所至時發吟弄波瀾意度不失乾嘉老輩矩矱

自黃縣至甯海州道中作

自離黃睢來行行漸沙礫不知身入山山遠青岑削雪壓
山氣沈透空轉縹碧斜陽來照之倏忽成霞絕變幻不一
時陸離兼五色是日行未遠雞棲日將夕疲投茅店宿山
月店門白

山行古乘標厥制似卽屨漢時始用轎隄嶺平妥帖我行
山海間我車阻高岡無輪不得進有木眞豫章似梯枕以
繩似網似箕張用駕驢背行云宜山路長山輜名不俗采
之入詩囊

四更山月落星光淡原野僕夫恃諳練驅驢出道左昏黑
望前林明白顧後火行行阻深澗對岸高礮礮雞鳴知逼
村覩路無一可路旁似有人呼之乃樹也蹇驢嚙徑草我
穩山輜坐此時脫遇盜傾刻當無我東嶺透朝霞西嶺煙
霧鎖四顧默無言一身萬峯裏

上山勢似難登頓從無失下山勢不留往往多差跌一跌
幸無傷雪後鋪如茵人驢同扶起撲雪如撲塵

絕壁兩崖分中通路一綫人馬魚貫來去來厄接腕接腕
猶可避馬礙豈容旋出門戒欲速崖口佇少間少間一僕
下疾行呼不來徐徐山輜入壁上繡古苔

沈沈山中宅未識何人居歷歷山中村綠窗俯通衢豈不
虞盜賊世亂此晏如自入東萊境道路無婦女汲水臨深

澗浣衣來楚楚山僻偶一見此風勝鄒魯

皇天夜雨金萬夫朝死鬪牟平土不穀民窮何述富帝敕
金星下弩力試補救又恐逸則淫金沙雜紛糝揀之更鍊
之辛苦同芸耨我行升高山下視人輻輳詢云淘金戶蠕
蠕聚萬首稍近皆敗絮騰越如猿狖此邦本不肥爾生亦
太瘦

四月九日重赴白隄汪氏館齋是夜月不甚皎徘徊
清夢軒池上淒然有作

兵殘賸得舊樓臺樓下池邊半綠苔幾輩人如花驟落今
宵我與月偕來不堪懷舊剛聞笛如此尋詩合舉杯昨日
隴頭書恰至殷勤猶訊劫餘灰

貝子木明經

青喬

半行庵遺集刻成題後用調生丈

韻

生能草檄兼橫槊無命皇天底賦才飽食太倉騰鼠子飢
驅歧路泣龍媒祖鞭欲著似春夢韓集誰編幾劫灰尙有
定文同志在招魂直欲上西臺

史蘭字雙梧嘉興人諸生

詩話雙梧嘗繼沈文憲編次乾隆以後諸家詩為別
裁續錄雖涂轍近隘而持擇甚嚴其彙本流入廠市
余為收置社中並別鈔名家詩文都四十餘冊
皆出手錄披覽及之未嘗不歎其苦心劬學也

過翠雲精舍讀液川上人觀幻居詩留題

液川吟詩如畫竹修竿勁葉風生屋有時作畫復題詩見
詩不見畫滿幅卽今何處留遺編小橋流水南湖曲大小
乘參短長吟禪林應當佛書讀

丁申字竹舟錢塘人諸生候選主事

秋日嚴州城下用放翁初秋有感韻

蕭蕭落木下孤洲，疊疊窮山豁一州。
楓葉江溇帆影碎，梅花城郭笛聲愁。
歸耕游卒爭刑馬，墜廢貧黎合買牛。
休養此邦誠不易，長官匪止俸錢籌。

丁丙字嘉魚號松生晚號松存錢塘人諸生江蘇知縣
有松夢寮詩藁

詩話松生早慧年十三入杭州府學粵寇倣擾東南
文物蕩盡松生與兄竹舟出家錢蒐求散籍獲文瀾
天一之書十四五遠者致自交廣甌閩間有書庫抱
殘圖左文襄莫邵亭題池高伯足作記美其歸書文
瀾之功黃再同爲題五絕其一云是否雲門大小山
波清峯綠兩翁間聯牀風雨愁淮別定有黃衣夜叩
關自註波借清涼頻合槩峯貪濃綠不分
林龍泓山人聖因寺句也文瀾閣在寺旁

送莊四歸毘陵

離懷折贈柳毵毵，春到旗亭酒正酣。
鐵笛一枝催夢醒，梅

花風雪滿江南

茶庵招游西谿答之卽堅其約次韻

只消雨不惱黃昏明發招邀出郭門十八里中花更好兩
三人約酒先溫水樓禪話交蘆偈野寺詩尋宿蘚痕試與
輒紅塵土客清名持較果誰尊

借竹軒

瑞隆院裏翠黏天看竹曾傳北宋年玉版禪賒燒筍客金
題贊乞散花仙窗簾大好輝千个風月何煩買一錢登眺
願資雙不借最清涼處獨高眠

筠軒丈以雁山茶餉客

雁山色如古鼎彝丹砂翡翠青瓜皮四十九盤雲合離一
百二峯煙芬菲客兒游屐獨見遺諾詎那至開初基沈記

辭賦彰希微閣南北兮谷東西泉膏石髓蒸華滋五珍之
產茶尤奇梅公詩句高品題阮家仙種是也非清明節過
穀雨霏新芽一槍還一旗武火焙足文露晞瓶盛箬裹致
遠宜鐵翁得之笑解頤新年招集吟朋嬉小小鑪子塗紅
泥雪餘簷滴烹珠璣蟹眼魚眼聲澌澌恍疑瀑在龍湫飛
煎成淺淺浮琉璃色香味與陽羨齊座中二老先忘機輔
黼堂二公親游裏糧曾踏芙蓉溪重圓茶夢疏朝衣雁宕話游鯁鯁
亦幸清詩脾所嗟互市來西夷茶綱歲入千朱提可憐軍
火無窮期不抵防海一日糜茲茶隱秀與世違解渴不屑
淪鯨鯢主人論敵有餘悽苦心茶味其庶幾更期八尺支
杖藜雁湖絕頂輕攀躋春茶采采歸來兮延年益壽同丹

莫

黃浦道中

黃浦江頭夜月明青龍橋外暮潮生廿年重撫疏疏柳輪
與涼蟬自在鳴

葉盤新摹丁敬身隱君象屬題

硯林錢塘江上人祖述龍泓丁隱君負米踏麴供其親餘
力讀書常斷斷下數漢唐上周秦鼎彝碑碣通說文篆刻
絕藝無等倫與諸鴻博張一軍詞科掌錄揚清芬庭前諸
子皆有聞張紗古弄屋荆榛集慶寺後荒秋墳獨留遺象
傳風神抱膝坐石全天眞葉子好學忘清貧暇操鐵筆鐫
貞珉私淑前哲香瓣薰藝林名重同千春

丁午字頤生錢塘人諸生

冒雨訪盛鳳翔城北寓居留飲春盤醉後有作

明正朱言國卷一百六十一

入春雨雪多兼旬風簌簌枯坐兀無聊蠟屐訪城北登堂
一笑迎握手意可掬天寒泥留飲是真來不速嗟我生寡
歡性僻難諧俗與君久締交淡然若蘭菊遇合彼此同爨
下猶雌伏瞻顧名利場無能共角逐笑彼冠蓋多其奈知
食肉不如咬菜根靜對縹緲馥優游寢饋中萬卷丹黃讀
君頗蓄書其
度閣曰萬卷知足神自怡朱顏為君祝至樂頗耐尋何必
求多福衝寒梅信芳同上孤山麓曾有探梅
之約故云

莊棫字仲白丹徒人候選主事有蒿庵集

秋懷雜詩

故鄉不可見仰視河漢流肅殺亦歲功動植宜虔劉朝歌
思歸引暮歌大刀頭煢獨固增感離思亦縈憂房櫳蜻蛚
吟原野狐狸游蟋蟀仍在堂相對樂未休日月已云邁良

士慎自謀

柳

東風吹百草冉冉過柔條依舊江潭路其如隴水遙高樓
刀尺緩古道馬蹏驕莫問封侯壻閨中淚未消

芍藥花初放薜蘿葉復齊棲鳥白門側落日大隄西朝朝
逐游子暮暮隔空閨嬈娜今如此莫負曉鶯嗁

王繼穀字子詒會稽人有聽桐廬殘草

詩話子詒因母疾禱於羣神乞以身代光緒六年四月五日自沈於甯波之月湖以死世所稱王孝子者也宗湘文太守勒銘湖濱其仲兄子獻太史搜集遺詩得若干首孝子至行豈待詩傳而靈均捐珮伯奇履霜淒楚之音時露毫楮山陰沈曉湖題其遺詩云連閩舊事說吾鄉寒菊清泉薦晚芳不是湖頭祠愍孝也應配食水仙王

九日登八詠樓同仲兄作

木落廢城秋關山一雁愁大溪環屈曲敗葉舞颺颺風雨
重陽酒中裾八詠樓憑欄吹鐵笛萬里溼雲收

舟中遣興

霜雁一聲唳白雲天際流鶻搖新漲輒江借晚楓秋強酒
爲尋夢圍棋暫避愁前灣知泊處落日破帆收

蕭山道中

大江日落暮煙凝估舶家家欲上燈殘柳疏星帆影卸亂
鴉聲裏到西興

鏡湖卽日

故鄉風景認依稀曲曲陂塘雪鷺飛萬戶稻蓬圍蔀屋半
湖菘翠盪柴扉黃花紫蟹酒初熟紅樹碧溪鱸正肥津鼓
一聲星幾點卧吹銅笛夜船歸

感知一首酬李悉伯先生

慈銘

乘槎欲訪三神山蓬萊咫尺風引還鍊石五色亦何有誰
信媧皇補天手山林鐘鼎兩不成何如獨坐援孤琴醉折
幽蘭彈古調空山寂寞無知音昨者別兄偶弄指天風海
濤入焦尾餘音嫋嫋千里聞誰識天涯有鍾子先生當世
推經神主持壇坵三十春忽聽巴音和白雪喜舞奚翅登
龍門中散許傳廣陵散一洗俗耳箏琶新瓦釜雷鳴奚足
論得一知己死何恨一彈再鼓忘形骸孤月寥天印方寸
王詒壽字眉叔浙江山陰人諸生官金華訓導有縵雅

堂集

詩話眉叔工駢體文久困場屋貧悴以終嘗入浙江
書局從事校讐與譚仲修施均甫張子虞諸人相酬
唱女綺亦能詩李越縵題其稟有云
玉臺詩格傳嬌女解道花隨燕過牆

春暮

野桃無力點晴波寒食清明次第過酒價漸低春釀熟筍
船初到市聲多東風芳草人盤馬小雨楊花客渡河卻憶
江南好時節畫橈衫影水如羅

銅鼓釵歌

何竟山藏有古釵云蠻人以叩銅鼓者銀
為之長逾尺大倍常釵圓直而上稍銳云
千餘年物也按隋書地理志載南海交趾鑄銅為
大鼓初成置酒招同類豪富子女以金銀為大釵
執以叩鼓竟乃留遺主人
名為銅鼓釵此其是與

銀蘂一尺紺龍角翠漫鏤金截鈿萼海南女兒顏如霞不
向東風曳珠索玉螺花鼓青盤雷碧瓔鸞錦連臂來釵光
搖搖彭聲起手撒春星顛鸞尾洞堂一曲蠻花香犀牀不
動雙鴛鴦氈裘都老紅酪漿墮霞簇簇珊瑚囊何年飛來
逐龍子古井沈沙土斑紫芙蓉怯玉蘭雲垂金蟲欲綴愁

蟬絲且鋪舞錦呼吳兒嬌鬢促疊催柘枝

蔣節字幼節上海人諸生有閑促齋詩集

詩話幼節師事何媛叟莫邵亭故爲詩力追先正同時名輩多與酬唱顧懷才不遇棲遲幕府有仲宣依人之感歿時年僅中歲藏藁未刊唐薇卿中丞謂與黃仲則同慨然身後之名去兩當遠矣

古詩

積陽散林薄涼飈入我幃孤鴻逸天末客子寒無衣手把鳴琴彈絃急不成揮非關絃柱促顧此心願違中情自難抒無傷知者稀

張明府

德堅

招賞牡丹次韻

甌碧鞞紅徧草堂爲花耐得六時忙眼根已眩曼陀雨鼻觀疑參篤耨香愧我儂槃驚節物看君健筆擅詞場綠章便奏通明殿語爾封姨莫漫狂

同時明府

乃功

登鼓樓作

列戍悲笳咽荒陵落日殷眼中千里客樓外六朝山良會
矧不易清游那可刪高吟聊復爾莫使動江關

贈劉明府

焯

用東坡喜劉景文至韻

應人一任牛馬呼學道於此窺其隅平生未著絕交論貧
窶自覺交親無劉侯肫摯獨念舊聞風已足敦薄夫江淮
相聚喜會合期奮迅翮爭搏扶那堪飄泊感節物又見菽
麥將生鬚邇來閉置苦岑寂似橐駝坐毋乃迂昨者有約
蜀岡去欲酌卮酒懷歐蘇藉茲眺遠豁襟抱隔江山色如
彼妹倒衣命駕堪從子狂言屢發可容吾知君有句證鴻
雪凭闌定憶錢塘湖

蘇文忠公玉鼻駢券拓本爲劍盟題

解驂爲助久未聞以馬借人史闕文古之佚事孰能繼杭
州太守蘇使君使君有馬出天廡嘉名肇錫玉鼻駢東齋
卻對李方叔恩恩惜別情難分忽推君恩及良友三致其
意殊殷勤丈夫甯有戀棧志勛哉蹴踏超風塵當其要約
書公據一紙筆落生煙雲蝦蟇壓石信奇喻字體出入從
顏筋更教涪翁定價直又以長句煩潁濱何年刻石石自
裂風雨剝蝕生苔紋憶昔由拳遭兵火不共珠玉摧妖氛
眼中舊跡喜重見萬生好古真不貧晚香堂刻舊曾覩問
值乃索百廿縉短長肥瘠各有態秋高二華同嶙峋邇來
摹本苦雜出東家難效西家顰蜀中椎拓亦艱得洋川數
石猶堪珍長公作字留戲語跋待五百年後人小生後公
歲九百高山徒自懷清芬嗚呼公之高誼今不作翻覆之

手何紛紛萬生萬生善寶此此券莫使馮煖焚

病中別譚中丞

不緣多累肯依人典盡琴書始出門黃獨有糧聊可煮白
雲如褐恐難温囊空易動窮途感劍在甯忘國士恩記否
木蘭堂上別今年此別倍銷魂

陳文駟字季舫大興籍祁陽人有漱潤廬詩存

詩話季舫師爲仲英師之弟少有才名詩初宗
唐賢後復出入東坡劍南未遇早卒人皆惜之

雨中雜詩寄路訪巖

春老餘寒入被池陰陰城闕曙鐘遲名心漸逼親衰後豪
氣難銷酒熟時避客性如羞舞鶴傭人味似已刪詩此懷
祇取奇書遣遮莫飛花下故枝

讀晉紀

盛譽由來易失真深源起後轉沈淪江東一樣蒼生望爭
及圍碁賭墅人

天家自給山林費高隱爭談著作郎笑煞史臣難執筆荷
衣墨綬費平章

雨窗與个臣夜話

叱咤侯門熱孤吟夜漏殘豪情就束縛餘味耐寒酸得失
爭雞口文章笑鼠肝此懷了無盡付與酒杯寬

馬賡良字幼眉號鷗堂會稽人有鷗堂詩鷗堂遺藁

詩話鷗堂體羸善病絕意進取以詩鳴於里之舉社
兼治古文晚好禪學譚復堂謂其為詩覃思自精窮
極正變而五金一治入音成樂若性若習若忘若遺
自成爲鷗堂之詩而羣言如廢嘗自刻詩三卷歿後
其子刊遺藁凡文詩詞各一卷平生篤倫理
務實踐教諸子有法度季子綱章博雅能詩

偕文孺彥清游曹山寄刻中諸子

明時采言圖卷一百一十七
鑿山採山石採處名石岩石盡山成蛻因之得奇狀曹山
最奇絕覆石如連帳剗削知何年形虧氣益壯一岩在山
腹水洞通咽吭石巖爭險峭岌業不相讓山根走潭底水
石互摩盪一岩山之背可卽不可望緣崖入仄徑隘極忽
平曠石壁周四圍幅幅如列幢其東雲石菴高踞層巒上
巨石千丈強獨立空依傍下有涓滴泉萬古春盎盎由來
山水奇造化運意匠茲獨出人工魄力實雄勦混沌一剖
判青山成變相我生與山鄰呼僇幾躋降稜稜踏山骨曲
曲入山臙觸目已嶙峋極險窮幽況今茲載酒來巖花媚
秋放好山如佳文百讀終無妨同游有孫曹山賊名差當
關路挾崩榛登高破石浪焉知筋力疲但覺神情王快哉
一嘯歌羣山齊和唱迴舟出曲渚落日明殘嶂廬仝七椀

茶例得山靈貺

雲石泉味清而腴
越中推第一泉

明心寺

佛殿嵐光積山門樹色埋
磬聲爭澗筑幡影亂藤
釵看竹入莎徑踏花愁
筍鞋山行逢息壤游興
未應乖

舟中不寐起視月色如晝

小艇落寒江艣聲搖夢
醒開篷正清夜獨坐攬
幽景月明萬籟歇山水
氣俱靜興來一扣舷滿
江風露冷

得子九丈閩中書

之子辭鄉國西風吹草
黃門前看流水離思與
之長忽寄平安語遙憐
鬢髮蒼關山千里隔有
夢到蠻方

春游做劍南小體

野色瞳瞳日氣清短篷
柔艣鏡中行山腰束霧
初收雨水

面鋪煙乍放晴紫陌鶯花催上已畫船簫鼓送清明春游
到處饒詩思斷句推敲半未成

焦桐篇寄李悉伯慈銘

焦桐慕素絲明鏡照芳姿之子一相見關山遠別離秋風
動蕭晨早涼生綺閣不恨秋風涼但恨羅袂薄柔肌瑩冰
雪美目耀春星謝彼脂與粉還吾婉變形秦女引鳳吹蜀
客求凰操絲竹雖殊音宮商本同調焚香理瑤徽對鏡掃
蛾眉焦桐有時斲明鏡無時疲

偕丁雪塘任秋田孫彥清游柯巖

吾州山水奇往往出殘贖曹山既著名柯巖復擅勝遙望
山破碎近卽石散迸嵌綴亭館涼割剝邱壑勁繁林戴側
厰修廊蟠曲磴崖深聞石氣水清見魚性澗香渡幽花巖

音孕清磬洵足騁雅懷况能逃暑病當年采山石頭劣遭
排擯豈知易世後游屐名山盛乃知天地間得失本無定
名理既徹悟寸心亦明淨劇飲朋盍簪陶然盡游興

入剡

清溪寒灑灑孤艇上灘遲入剡又今日看山如舊時岸崩
村徑換漲落渚沙移不見蓬萊淺滄桑已可知

偕譚仲修施均父黃元同潘儀甫張子虞孫子宜及

皋社諸子讌集吳山道院

吳山鬱岩堯雲物秀虛迴羣彥事幽討芒屨雜籃筇層陰
閣微雨秋日瞢不醒歷磴上高顛城市氣忽靜墟落點孤
煙江湖團雙影道士何瀟灑結屋桂花頂登樓開清讌疏
櫺納遐景坐見胥濤來微痕掠煙冷平生幾兩屐選勝苦

難準矧茲載酒游美客東南盡一出恣劇談陶然共酩酊
誰能學古人盛筵歡感併

寒夜遣懷

孤燈照虛館靜夜似僧房煮雪驗寒味蕪蘭聞火香明明
空理見歷歷苦緣長意識何由滅檀心聊自強

王柘原名允中字雪庵一字顛枝號拓園大興人官遼

陽州吏目有閱莒草堂詩鈔

詩話拓園詩才倜儻屈於下吏門人銘鼎臣將軍為
刑遺藁馮展雲侍郎題句云豪興三邊外悲歌一室
中身屯名自達官拙語彌工異采看囊錦遺音感纍
桐招魂憐宋玉極目睇江楓當時亦名動公卿也

古劍篇

土花繡澁血痕碧中有英雄古魂魄白日青天拔鞘看毛
髮陰森起離席昔時成此百鍊鋼撼搖星斗批風霜蛟螭

膽落匿蹤跡鷓鴣膏淬生輝光年湮代遠連環壞石上重
磨鋒尙快世無薛燭雙明瞳又無郭振詩豪雄劍乎劍乎
汝不自言可以託生死安知人不視作鈍鐵與頑銅報恩
報讐隨人意何如去化延平龍神龍首尾不可測汝獨胡
爲久在塵埃中

閭山大松歌

盤古氏前生此松棟材未入唐堯宮孫枝早受大夫爵祖
幹自匿高人蹤太古甲子不記憶曾見十二山初封松高
一層一千尺五層已跨山尖峯七層拔起勢不歇再長將
與天門通倒身下瞰根託地半截純積煙重重仙真來劇
茯苓白鬼物時守虎魄紅雨夜輒化老龍去遊戲飛到東
海東歸來天曉鱗甲溼尙帶海氣青冥濛東丹王子藏書

日盤桓幾度閒支筇耶律相公吟詩處歌聲定雜寒濤中
醫閭萬古不改色古人可惜今難逢我今來此喜相值見
所未見驚雙瞳願攜枕簟卧朝夕消受謾謾清涼風從赤
松游意已足何必十八爲三公

駐蹕山

萬馬簇龍旗征遼此駐師軍中破陣樂塞上紀功碑兵力
雄於昔山名起自茲天威猶想見弩火克城時

落星石

古來名將相天上應星辰到地化爲石當時何許人更無
光采在竟與砮砮鄰五丈原頭事因之感漢臣

海船夜望

揚帆行浩浩良夜淨風霾海月龍銜出天霜雁負來得償

宗慤願祇乏木華才叫絕三浮白秋濤響若雷

追和梅樹君

成棟

蘆花原韻

隔岸分明積雪鋪伊人宛在望中孤西風八月正蕭瑟漁
火一星時有無野色暗隨煙共暝秋痕淡到筆難圖雁聲
遠向平沙起寒夢蒼茫落五湖

竹外桃花事已非斜陽淡沱滿苔磯獨臨野水和秋語碎
翦涼雲作片飛楓葉霜乾同瑟瑟藤蘿月映最依依江湖
流落頭俱白不學楊花點客衣

李齡壽字君錫號辛垞吳江人諸生有匏齋遺藁

弔汪君虎溪

風狂百歲中起滅浮雲變往事足悲感惻惻墜歡戀繭園
花亂飛對語梁間燕青蓋卧空階苔跡不可踐流落故人

手猶賸一枝棟棟花風起時杯酒冷難嚙詩人屑卑官敲
扑塵埃賤所慨卧治難雨雪先集霰魔女力欲降浪蝶挾
之戰水魅笑開口土神驚視面日月大圓鏡百怪燭若電
真靈位業圖神仙固未譴當其杌隉時思之有餘顛值此
棟花開目瞑竟若倦人去棟猶花忽忽六度見丁令久已
歸梅尉未成傳窈窕美人心清詩百洗鍊生自禱泰山歿
或祀小縣荔丹蕉黃辭侑此寒泉薦

十月十七放翁生日同人集具足菴西巖上人房用

放翁長歌行韻

大星當空芒角生誓掃欃槍屠鯢鯨南渡詩人鳴不平醉
夢苦復思兩京年逾六百值今日憂時感事猶此情祖宗
九廟思神靈中天日月煌煌明嗟翁間關梁益間伏櫪老

驥餘悲鳴中原未復憤所切焉能守口常如瓶六十年中
詩萬首肝膽欲向何人傾昔讀翁詩發長歎況今烽火魂
猶驚北風蕭蕭來天際空庭落葉寒有聲座上酒兵且指
揮相期一醉開愁城

題錢松壺

杜畫

錢老駘蕩人游跡滿萬里此幅自題滇南作三尺剡藤贈
黃子黃子亦是江南人歸夢迢迢逐江水如皋江村有故
居游釣敢忘林壑美梧桐百尺天冥冥秋煙在樹月在櫺
古槐濃綠淨於拭芭蕉葉大風翻屏出門看流水坐石濯
足清泠泠孤琴偶一弄時有沙鳥飛來聽人生得此亦自
足何必局促奔走羅羶腥錢老寫此豈無意倦游白髮傷
伶俜嗚呼松壺古狂士畫意蕭然謝塵滓正從精密得微

澹藝成非儒亦非技江山萬里盤心胸能事不數文五峯
江關倦後家山好何日能還獨客蹤

送紫玖丈歸里同子屏韻

身如辭樹葉風急各紛飛客裏還言別君行我未歸并荒
多冷竈秋勁念單衣盜賊何時息重來款故扉

清明

禁煙時節野煙屯惻惻寒多獨掩門入夜雨聲偏破夢一
年花事暗驚魂野墳處處逢春祭孤子年年有淚痕去歲
玉峯曾記住千戈回首怕重論

羅志讓字耦廉丹徒人候選知縣有億堂詩鈔

喬鶴儕曰君任俠自喜粵寇躡江南大府檄治團練賊至督城守凡繕垣浚濠治樓櫓築礮台積芻糧儲膏燭咸與經營自庚申至甲子孤城得全君與有力焉憂愁抑塞憔悴艱難俱託之於詩一唱三嘆惘惘

款款足以見所
蘊蓄者深矣

薄暮舟行白塔河

扁舟搖落日極浦生明霞垂楊陰杳靄柔艣聲呶啞迢迢
見歸犢隱隱聞嗁鴉浣女緣曲岸釣叟當圓沙溪風拂絺
綌汀月橫窗紗吾羨張志和泛宅爲生涯

哀戴澧

澧聞城陷出走於其枕畔得
一紙曰吾將從彭咸之所居

歲在癸丑春二月天狗墮地來朱方卓然有士年八十姓
戴名澧頎而長平生好學精篆隸古文一冊垂光芒踴涼
宜入獨行傳恥與流俗相低昂忽聞城陷淚橫臆滅寇無
術心迴遑嗚呼彭咸古來有誓往從之歸帝鄉招魂祭葬
衣冠在翩然披髮下大荒

阻風登燕子磯

大風掣水水盡飛陽侯出波阻我歸況復遠山銜落日輕
舟急繫燕子磯燕子磯前一片石危亭下瞰江水白神禹
萬古開洪荒蛟龍千里藏窟宅指點京口列三山兀然可
望不可攀平沙直與青冥接遠樹但在微茫間我今攀蘿
恣吟望匹練襟天使心壯回思局促坐篷窗敢向風姨拜
佳貺

行丹陽道中

嶺上浮雲溼春寒昨夜知水喧爭澗急鐘遠度村遲短犢
歸前浦棲霞繞暮枝重來經此地定是雜花時

秋感

秣陵今已撤重圍帳下偏裨著錦衣鴻雁遠傳霜信至鷺
鷺低傍水田飛漸看廢壘生秋草何處寒砧掃夕暉多少

故人明月夜相思相望未言歸

可堯臣字又香會稽人有蕉雨山房詩鈔

題畫

綠樹簇濃陰草亭結幽境山隙補遙天林杪露帆影渡頭
落日閒溪流一何迴雲際忽鐘聲野寺傍孤嶺地僻往還
稀市遠雞犬靜茅屋三兩間翛然籬落整中有太古人獨
與塵市屏名利兩不知心共白雲冷

高郵舟中

一水連吳楚長天接海濱湖浮城作岸波湧月隨人寺壁

誰留畫

高郵寺壁舊有曹仁熙
畫水米元章極稱之

桃源莫問津中流頻擊楫

感慨百年身

天連湖水碧遠樹隔村微征雁幾行急秋風何處歸波搖

帆影活雲帶夕陽飛多少閒鷗鷺應憐作客非

贈隱居

四圍嵐翠鎖煙蘿結得茅廬傍澗阿地僻不嫌人跡少樹
深祇覺雨聲多摘將松子烹新茗採取蘭莖補綠蓑幾度
光陰渾不記窗前日月自經過

阿房

百里驪山一炬焦劫灰何處認前朝詩書焚後今猶在到
底阿房不耐燒

魏錫曾字稼孫仁和人貢生福建候補鹽大使有績語

堂詩存

詩話稼孫篤嗜金石當咸同之際轉徙兵間鑿藏甚
富校訂精審身後刊碑錄十冊不分卷攷證未備似
未成之書兼有印癖集中論印
諸詩評騰允當多心得之言

棄婦吟

女子憚遠適臨別常依依憶昔妾來此掩淚牽母衣朝別
父與母夕見姑與舅區區一寸心生死爲君婦采桑起執
筐洗手歸作羹三歲靡室勞歸甯且未遑歸甯且未遑嗣
君適遠道晨昏賤妾侍頗謂婦窈窕吁嗟泰山阿長松縈
女蘿吁嗟彼何人中乃施斧柯東家有賢女鴛鴦新結侶
人生實有命傷余何妒女木落無還枝婦棄無還期但祝
舅姑壽妾請從此辭念君隔兩地思君落雙淚妾去君心
傷願君遣情累褰裳登長途回首見小姑小姑哽不語無
力迴嫂車

餘杭舟中

朔風起林莽凜冽吹人衣歸舟日將夕但見黃葉飛卧看

晚晴詩話卷一百一十七
水中影綠樹還依依波旋影零亂盪漾煙痕微遙天積層
雪遠山銜落暉寒鴉沒平野羣鴨歸村扉寓目卽成趣當
此心忘機有客荷樵立吾爲歌采薇

瑞安道中

山椒聊稅駕竟日霧迷漫我有窮途哭人嗟行路難叱牛
憐子母對竹覲平安苦羨龐眉叟茅檐春酒歡

疊韻柬趙撫叔

六旬阿母陷虎口嗟我婦子日聚首披緇恥就宰堵波靜
俟鬼伯歌薤歌鵲嘸血出不可拭烏劔遭風仍吐墨橫流
何止歎王尼楚詞那敢希唐勒崑崙琵琶俗學馴更受要
道知無因通儒願勿作奇士舌橋羣驚秦越人

再疊韻呈季貺

獨立誰勝眾媿譁壁弓真已動杯蛇夢中識路一知己海
內藏書几幾家豈有恩讎連將相苦教門第占清華多君
豪氣猶疇昔不似寒林瑟縮鴉

鳴玉猶增壇坫譁哲人處世玩龍蛇顧廚俊及茲多口粵
宋燕秦豈一家黨籍無碑刊茂叔瑯嬛有地闢張華勸君
勤校五千卷遮莫秋林噪鵲鴉

汪琬字玉泉一字穀庵號芙生番禺籍山陰人有隨山
堂猥橐

詩話芙生游幕嶺海頗有才名詩
亮拔自喜晚趨婉約乃多可取

擬出塞行

丈夫既許國不復論死生按劍出門去萬里如家庭登高
望山川長嘯天爲青安知百世下史冊書姓名將軍出馬

明倫彙編 家範典 卷一百一十一
三
邑校尉馳龍城戰苦戈戟殘道遠霜雪清野馬嘶落日哀
笳動連營此時不封侯嗟哉李北平

高州道中

飛蓬無定根貧士多遠游一爲勞者歌千里來荒州山深
生奇寒日落如深秋往往邁奇險心目不自謀危途僅咫尺
下有急礮流虎行密箐折猿嘯空林幽行賸偶一解凜
然難久留桑弧平居志至此增煩憂飢驅自古昔戚戚將
誰尤

谿風颯然生山雨忽而至此中秋未來黃葉已滿地曲折
山谿中徒御行不易褰裳風復寒下帷雨難蔽稍稍出修
途愁破見崖寺遠岫青欲浮平田綠無次

急瀑飛高峯其勢必下注谿澗一受之眾流悉奔赴怪石

生當中衝激作奇怒朔拜方鼉鳴咋嶠猶虎踞極力爲爭
衡其意若相妒遂令白練飛莽然四森布殷雷鳴一山噴
雪濺百步僕夫蹋波行淺流仍屢渡奇觀旣目眩異響復
心怖山行無遲留見此爲少駐高詠蒼茫間天風吹日暮

粵秀山觀晚霞歌

三庚朱陸頽驕陽萬里渤澥連榮光日精水氣盪摩久倏
忽霞采生西方霓旌虹勒纏連不可數燭龍十二招我登
崇岡升高俯視奇景出遂與崑崙九光相頡頏初猶隱見
限邊幅繼乃頓洞連蒼茫法界金繩萬條徹炎官火繖六
合張威鳳羣飛過西嶽遶龍輿立移南荒仙人佩裳紛五
色天孫奇錦開七襄紫氣函關孰來過黃人日觀爭迴翔
赤燁六月怒不已朱明一曲歌未央金支翠蕤忽變滅珠

光劍氣猶輝煌我昔吟詩愛餘綺亦思學道霏丹裳騰輝
舒豔今一觀看朱成碧心飛揚赤城作賦慕孫綽丹樓引
喻思長康流雲灑液如可得遲我十洲餐玉漿

薛道衡逍遙臺故址

刺史風流不可攀高臺遺蹟已榛菅可憐落日登臨處只
在春風想像間有客來尋三月雨隔江猶是六朝山花前
雁後終無賴我亦離家且未還

袁督師祠

大荒披髮詔重闔功罪茫茫不可論星夜勤王三輔急煙
塵轉戰九邊昏朝衣畢竟悲東市鎖鑰何曾重北門今日
故鄉還立廟當年窮塞孰招魂

歐刀碧血恨漫漫裒翻從異代看事閱滄桑公論出時

當叔季將才難謠言八合憐明月疑獄千秋誤曲端別有
表忠碑記在惜無元石與鐫刊吾鄉王笠舫大令有東莞
新建袁督師祠堂碑文見
緣雪堂遺集今祠中無
此碑殆當時未刻石也

開井行

虹光夜半衝南斗陵石見榮神所守鎮州地接昌化軍誰
向窮荒挾山走風輪迅疾雲颿開徑從溟渤噓陰霾碧眼
賈能窺寶氣黃頭郎待鑄橫財何人竟把盧龍賣黎葵峯
前見光怪任教鉛水泣仙人那識銀官分地界殃徒毳服
紅鬚髻指麾徒眾吹旋螺摸金直用魏公法得寶將爲楊
氏歌誰知頓觸山靈怒鞭叱螭蛇作神霧驟裹由來鑄不
成狼隴畢竟尋無路阿奴心計亦可憐莫夜已費黃金千
寶山空手且休矣碧嶂回頭還儼然離交萬古金銀氣今

日珠厓安得棄棲陸沈沙造物心炎風朔雪天王地玉斧
威稜銅柱標覬覦焉許小夸驕請看瓌寶留中國應識神
靈翊聖朝

春日登粵秀山尋朝漢臺故址

燕絕當年朝漢臺東風三月木棉開祇今城郭餘春色如
此江山稱霸才翠羽珠璣曾北去樓船戈戟竟西來休論
左纛無消息沛邑歌風亦草萊

感懷

患難飢寒後艱虞性命存勞生今白髮落日幾朱門思舊
眞疑夢論文亦感恩茫茫知己淚寥落故衫痕
振策雞棲倦談經馬廐開不知何事樂偏向此中來枚子
飛書筆寶王作奏才古今遠相望風雨滿蒿萊

擬唐人貧女詩

小箔紅蠶亦耐飢
流黃辛苦復何辭
夜繙綫帖燈無賴
曉謝鉛華鏡未知
告語幾曾煩鳩鳥
勝人翻自悔蛾眉
年年冷伴梅花住
誰見天寒倚竹時

吳養原字思徵儀徵人廕生官刑部主事有觚齋詩集

詩話儀徵吳文節文鎔督湖廣死事思徵以任子官
西曹都市有巨猾嘗坐事入獄思徵分讞呵遣之未
竟其罪也新年出謁客猾與遇喉其黨曳下車羣毆
之時恭邸柄政偶游觀火神廟適相值語金吾逮治
西曹重恭邸指遣入郎官蒞鞫杖數十猾初繫獄許
獄吏金既出乃不予及復入羣相侵侮猾遠死獄中
言路論劾入郎官皆坐罷思徵亦乞假歸

寶應道中

篷底推窗透夕暉
春寒草色滯芳菲
遠疑翔鷺孤帆飽
濃愛堆鴉老樹肥
驛路摧殘知賊退
湖波吞吐覺隄危
頻年

澤國悲鴻雁上策治河自古稀

鄭州扁鵲故里

奇緣水飲上池深肺腑無勞按脈尋垣一方人能洞見不曾窺得李醯心

譚鍾鈞字秉卿號古譚新化人有古譚詩錄

詩話古譚蓋狂士喜放言高論於湘中諸賢皆有詆詞故漫遊迄無所遇客死譚文卿尙書陝甘幕中爲刻詩二卷詩有磊落之氣

秋感

資陽落拓賦閒居萬感蒼茫夕照餘不信才華仇福命敢因科第薄詩書滄桑今古殘碁局睥睨乾坤一草廬烈士壯懷頻起舞陰符讀罷夜窗虛

九崗山色曉晴初泉石閒雲自卷舒白板黃花家釀熟藥

鑪茶竈故人疏身餘傲骨惟嫌病天縱奇窮獨著書
少年少賈生多痛哭中原民命更何如

長沙感事寄黃軍門

徧上流民鄭俠圖瘡痍莫補歎迂儒關中戎幕皆吟侶
海內詩才半酒徒金粉紅顏牽傀儡沙場碧血染珊瑚
緇衣一領塵汗厚兀對殘燈碎唾壺
三千世界經三徙四十年華歷四朝未必奇才天竟忌
果然清品貴何驕達官厚祿皆緣定處士虛聲要福消
幾度開函敦殷浩書空咄咄怪無聊

邊關行

邊風吹沙沙半飛營門棲鴉鴉亂嘯客子膏車酒泉北
將軍駐馬漢關西將軍揖客葡萄酒耳熱烏烏酣拊缶
老卒

猶能舞佩刀
幼兵亦解鳴刁斗
晨昏訓練氣不驕
軍中部伍各見招
始信今有定遠侯
不爾便是霍嫖姚
天下雄關推第一
一將當關世無匹
北門鎖鑰君何如
況有生平萬人敵
安得生擒吐谷渾
壯士長驅入玉門
狂飈催送關頭立
浩浩無垠見戈壁
崑崙崙崙發河源
九曲狂流望不極
雪山璀璨冰梯高一白
遙含遠天碧
俯瞰山城臨九淵
寶石礫礫泉涓涓
興來匹馬萬峯頂
浩火汲取衙齋煎
祁連蔥嶺渺天末
蒼然大地浮雲煙
我撫滄桑懷太古
一粟太倉渺何許
干戈漂泊寄孤蹤
回首湘山淚如雨
爲君楚舞歌楚歌
萬里龍堆奈若何
昭代承平二百載
徒旅嬉嬉劔兵鎧
一朝樹纛張楚軍
斥埃牙旗盡修改
身先士卒轟雷霆
剪鋤犂确披榛荆
手絨足韞精力悴
周道礧礧如砥平

紫電青霜嚴武庫漢官儀重見軍門我乘高車叩關吏尋
詩塞外添詩意天山皚皚衰草黃一抹斜陽浩無際胡笳
羌笛聲啞啞匈奴未滅何爲家主人勸客且痛飲插劍醉
卧沙場沙

沈銛初名際昌字元咸號誠齋婁縣人諸生

詩話元咸居松江西郭外其水曰笏溪與仇竹屏胡
公壽蔣石鶴號笏東四子元咸善書畫兼精醫淡於
仕進徜徉文酒酬答不倦

貧家行

貧家糧盡稗作粥南箕不餒一粒穀貧家酒甕空牀頭斗
杓盛住天漿流仰視蒼蒼增百感箕舌自張斗自轉誠齋
老子常思量人到餓死眞自強山中采薇誰再作竿頭曬
禪亦足樂君不見明珠換得玉顏紅奴輩發難曲未終又

不見挂冠織簾不自恥乃是吾家一奇士

胡公壽初名遠以字行江蘇華亭人

詩話同光之際雲間士人能書畫者輩出如郭友松蔣于石張叔木皆擅名而公壽尤勝

偶成

金紫何曾偶挂懷石田茅舍自天開
絲竿釣月江頭住竹杖挑雲嶺外來
匏實曉收栽菜圃土花春長讀書臺
革除一點浮雲慮木筆題詩酒數杯

蔣確初名介字于石號石鶴江蘇華亭人諸生

游善應禪院

蕭寺最岑寂尋幽興獨長
林疏寒鳥聚竹密暮雲藏
野殿丹青古空庭草樹荒
徘徊人不見樓外鎖斜陽

獨坐

獨坐空齋裏柴門鎮日扃徑荒苔自綠春近草重青詩不
緣貧輟愁難與酒醒胡笳日暮發哀怨不堪聽

沈祥龍字約齋婁縣人諸生有樂志彙集

觀梅回汲細林山泉水

我昨探梅亂雲窟欲練梅花作詩骨祇愁竟體塵氛多脈
脈芳馨苦泔沒願汲泉水山之陰未洗雙眼先洗心心清
始覺吟夢穩縞衣仙子來深林斜陽半峯泉瀉磴手挈銀
瓶下幽徑歸來分水呼煎茶浣滌徐凝惡詩淨

次韻和買雲階丈新居落成

水竹三分畫不如秋風新築輞川廬靜觀世態涵琴德老
贍詩心慰瑟居飲續醉鄉王績記每披相地景純書
軒窗明淨宜幽隱坐對黃花樂有餘

丈精堪輿

過蕭尺木墓

家國滄桑一慨中，離騷圖就思無窮。
遺民老去詩心苦，古壁長留畫本工。
巷僻難尋廬一角，塚荒重葺草千叢。
春來樵采新申禁，漸西觀察重葺墓道宰木森森夕照紅。

張定字叔木，婁縣人，諸生。

日本刀爲胡雲起作

先生好劍更好刀，寒光上騰秋月高。
昆吾之刀世難覩，大食之刀輝久韜。
二者搜羅不可得，日本有刀求之亟。
往時日本來觀光，寶刀流傳入中國。
中國尙文不尙武，藏此刀者半僮父。
有誰拂拭鷓鴣膏，素練橫空下階舞。
先生得之喜欲狂，摩挲珍重如球琅。
酒酣奮袂出示客，長虹三尺輝寶光。
吾謂先生可一試，莫使毛錐誤我事。
挺身投筆學班

超塞外立功酬素志先生一笑鬱塞開諸公狂飲歌莫哀
夜半此刀作龍吼願從先生登燕臺

葛其龍字隱耕上海人諸生有寄庵詩鈔

詩話隱耕家貧託身闈闖而詩無屠沽
語詠菊云寄人籬下亦芬芳可徵抱負

枯樹

靜耐冰霜歷苦辛回頭風木倍傷神
嗚烏落月渾如夢古墓空山不再春
百尺尙存孤立意千秋幾見後凋身
興嗟豈獨桓司馬手澤摩挲感昔人

獨立蒼茫閱古今興衰容易是園林
河陽春盡浮雲散金谷秋荒夕照沈
一局殘碁悲世事百年浩劫悟禪心
窗前讀罷蘭成賦落葉西風感不禁

松江早春

一江晴暎漲紅潮遙望蘆灘雪已消正是鰕魚初上候釣
船齊泊夢花橋

黎承忠字獻臣號喟園長汀人有葵園詩草

詩話喟園流寓大梁性伉爽落落不合於時好爲詩
晚益沈鬱許仙屏河督招入幕欲刻其詩而未果
後遺稟散佚朱古微侍郎與有舊物色久之得數冊
而晚年之作不可見曩時喟園曾手書數十首貽余
弟友梅有出贖稟之外者錄而存之喟園與俞雪岑
並屬汴中故人余有憶舊吟云昔者梁苑多詩人雪
岑喟園兩叟貧雪岑曾入通侯幕喟園亦爲節度賓
兩叟上下自古傲晚時輩生嘲嗔雪叟獨存唐體
格喟叟風擅宋風神兩叟吟詩不相識與我廣和殊
相親我別梁苑三十載兩叟羽化俱成塵人間萬事
莫回首風月不負苦吟身杜陵吹臺已陳跡夢陽
壇坫亦沈淪作詩千里弔兩叟樊樓燈火春復春

偕秋原刺史游香巖寺晚宿李官橋

理屐趁興晨行輿向山路石磴礙流泉陰雲翳深樹初歷
樵徑紆俄轉奔崖露修藤蛇蝮蟠長松猿猱附勢詭賞正

延步窘魂已怖防仆前鼻危賈勇後從赴險峭履漸夷風
壑號猶怒蒼翠密竹交向背列屋錯煙際遙聞鐘僧廬向
何處

叢篁蔽羣木萬山圍一寺出險天忽開入宇勢頓異樸野
見雛僧序豁登初地開創肇有唐兵氣燬近代緬維一行
高迴留千偈祕乍炊松肪腴旋飽香積餌頻眷顧客偕空
嘯叶鸞吹迴矚展蒼莽雲迷失丹翠

雖探香巖奇未厯白崖妙遠瀑散驚響長林靄餘照入冬
石骨青向晚江雲燒人家背嶺居炊煙出屋篠牛羊見墟
里雞豚聚古廟憩訪野人名歸屏長官導睠茲畎畝間慨
予行役勞沽酒慰塵蹤濯纓聊強笑

馬草行

晚晴雜詩隨卷一百六十七
三
荒城斗大山之陬健兒十萬橫戈矛三更傳諭徵馬草里
胥持符下鄉堡排戶輸草行給錢小民汗血官猶憐眼看
芻草如山積城中載運夜不眠誰知芻草散滿野競刈新
麥來秣馬可憐麥熟未登場馬病肥死人逃亡

初見燕

兵甲三春滿經年海上歸未依新畫棟還認舊柴扉雨細
窺簾入泥融掠水飛營巢吾愧汝飄泊寸心違

大梁雜感

孤塔平懸郭危樓上切雲誰過朱亥市復祀信陵君北檄
傳雞羽南天阻雁羣杞憂吾曷敢時事未應聞

屢下勤王詔諸軍自養癰犒師劫行旅積庾困輸供張鎬
援何後思明計已窮空傳裘帶略息甲久山東

將允成名易恩寬受病深煙氛何莽蒼霧雨且浸淫豎子
憂方大畸人跡漫尋何時開笑口城郭避塵簪

九日偕虞裳登吹臺

嶽氣河聲接檻來遙憑秋色一銜杯平臺會散當年客公
讌人思一代才世治交游名自貴塗窮懷抱向誰開憑君
莫灑登高淚斯地重陽得幾回

酬鎬仲比部

秋深數枉山中訊勞汝殷勤問卜居豈意堯年逢水患獨
陳賈策著河渠白龍上訴愁窮羿衰鳳行歌比接輿我自
湛冥君矯翼未妨同量測拘墟

俞燿字雪岑大興籍德清人有雪岑殘橐

詩話雪岑性豪邁游京師以文章名於時嘗入湘鄉
湘陰兩相國幕二公皆賓禮之顧落落無所遇余與

相見陳州時年甫冠而雪岑垂垂老矣顧蓋題襟深
相推挹余初通籍賦詩爲賀喜溢於辭其後音問闊
絕下世後篇章零落余出篋中先後見示詩六十餘
篇編次刻行雪岑詩用唐法縱橫排盪猶有道感諸
老遺意今雖存詩不多正始之音昔賢所慨正不能無老成典型之感也

登嘉定郡樓望峩眉山

西行未作峩眉游
艤棹獨登江上樓
三峯兩峯太古雪
千樹萬樹孤雲秋
寄書遠近一青鳥
隨艇浮沈雙白鷗
安得芒屨自來去
閒從絕頂凌嘉州

糟邱歌寄東生弟

人間不築黃金臺
天上不修白玉樓
腹中文字半磨滅
化爲酒氣成糟邱
我欲死埋其側生
與之游不醉亦醉不
愁亦愁光陰一擲幾
千載吾將老死無春
秋不知人間天上何
處可以長居而久留
願假東來鶴爲我西
飛招子由茫

茫江漢表蕩月乘虛舟江漢滔滔去何駛汝駕長風好來
此一杯滌盡胸中塵共卧糟邱萬古春

塞上春感

城頭感栗響金飈聽說羣羌更動搖凍坼平岡飢牧馬陰
沈大漠冷盤鷗花門禍肇天俱慘草積營開土半焦楊柳
東風何處是春來還憶灞陵橋

歲暮高吟寶劍篇短衣盤馬憶當年關中蒼莽風雲地隴
上飄颻雨雪天羽箭自傳青海外音書誰寄玉門前燉煌
此去皆烽火仍是君王舊拓邊

短歌行

丈夫不能騎馬挽強弓飛身殺賊稱豪雄胡爲翩翩乃學
少年子鬪雞走狗馳青驄我聞南北豺狼走平壙霜戟森

森列萬帳夢中忽割幾人頭渴吞戰血心猶壯天子傳呼
賜寶刀殿上親披金字袍左插白羽右烏號翻身仰射凌
秋鷗一生齷齪非人豪下視王侯將相如牛毛

賀菊人太史

蹀躞青驄下九垓雕鞍香踏輦紅來筵張玳瑁調金鼎筆
架珊瑚詠玉臺萱草歲寒凌雪健杏花春暝向陽開於今
雅頌承平日眼底縱橫見此才

題沈夢眉荆巫征帆集並送其還吳興

春江澹沱風蕭騷故人揖我歸蓬蒿巫峽連雲一千里魚
龍出沒衝波濤上有猿猱嘯飢虎下有鼉鼉蟠凍蛟灘石
走雷聲怒號眼前突兀撐空更何有丹巖翠壁高插萬古
出穹霄扁舟東去遠相望峭帆疑出青天上一峯欲雨一

峯晴陰陽翕闢窮殊狀瞿塘峽灩澦堆飛流動地爭喧厖
篙師驚險顏如灰中有豪吟客嘯詠滄江回憶爾泊舟山
月低篷窗夜黑鴟鳶嘯投詩贈魍魎舉酒酌支祈高歌放
棹還苕溪不與九十六峯相爭奇噫嘻乎巴山楚水愁風
雨詩卷長留伴行旅遠涉荆巫懷故鄉未識故鄉在何許
東風朝暮來吹送章華臺舉頭見吳會日出滄溟開胸吞
雲夢洗塵埃霸圖今已矣雄略安在哉丈夫歧路休徘徊
沈郎沈郎爾攜此卷游江東勿驚海若而語鴻濛但恐沈
之水府藏蛟宮不然破空飛去化爲亙古不磨雙白虹

又水濱黃髮言不然歟空飛走山翁宜古不憂雙白頭
武流新雨噴噴此卷舊與東山新編若而編與東山新編
其類此類與舊編今日矢地難與東山新編大夫知編成時
不心時春來天志聖聖皇拜與吳會日止會及天民不
謂若水對分其流數之將聖聖聖聖聖聖聖聖聖聖聖聖
其類此類與舊編今日矢地難與東山新編大夫知編成時
不心時春來天志聖聖皇拜與吳會日止會及天民不
謂若水對分其流數之將聖聖聖聖聖聖聖聖聖聖聖聖聖
其類此類與舊編今日矢地難與東山新編大夫知編成時
不心時春來天志聖聖皇拜與吳會日止會及天民不
謂若水對分其流數之將聖聖聖聖聖聖聖聖聖聖聖聖聖
其類此類與舊編今日矢地難與東山新編大夫知編成時
不心時春來天志聖聖皇拜與吳會日止會及天民不
謂若水對分其流數之將聖聖聖聖聖聖聖聖聖聖聖聖聖

晚晴移詩匯卷一百六十七終

晚晴移詩匯卷一百六十八目錄

曾紀澤 十一首

周馥 十二首

林肇元 一首

劉樹堂 五首

楊宗濂 一首

宗源瀚 七首

朱之榛 二首

黎庶昌 二首

金福會 一首

何元普 三首

胡鳳丹 一首

余本愚 一首

施曜庚 三首

朱福清 二首

汪文安 一首

朱滋澤 一首

汪桐 五首

周天麟 四首

白冠玉 一首

張度 一首

馬毓華 一首

徐煥謨 二首

胡廷珩 一首

潘鍾瑞 二首

黃維煊 一首

顧濟 二首

張家鼎 一首

蕭雄 三首

俞廷瑛 四首

葛士達 一首

楊葆光 四首

夏詒鈺 五首

葉慶榘 一首

翁壽麀 四首

高望曾 三首

闕鳳樓 一首

吳寶三 一首

倪鴻 五首

余雲煥 三首

李嘉績 三首

薛福保 九首

吳保清 一首

謝綬名 二首

王瑋 七首

王汝金 一首

韓允西 一首

秦敏樹 一首

汪守愚 一首

陳伯銘 一首

沈琮寶 一首

高永昀 一首

蔡姓詩一首

蔡姓詩一首

高承詩一首

高承詩一首

高承詩一首

高承詩一首

高承詩一首

高承詩一首

高承詩一首

高承詩一首

高承詩一首

蔡姓詩一首

蔡姓詩一首

高承詩一首

高承詩一首

高承詩一首

高承詩一首

高承詩一首

高承詩一首

高承詩一首

高承詩一首

高承詩一首

晚晴移詩匯卷一百六十八

徐世昌

曾紀澤字劼剛湘鄉人襲一等毅勇侯官至戶部侍郎

謚惠敏有歸樸齋詩鈔

詩話惠敏文正公長子詩託體蘇黃時復出入義山海外諸篇尤壯健而有深隱之思警句如從知混沌猶餘竅始信崑崙別有天南北自教鵬運海古今非復貉同邱洵足開拓萬古心胸其雜感無題諸作彌覺思深慮遠若有抑鬱難言者勞臣甘苦於此見之

山行

禹跡江河萬古流史詳華夏略窮陬秦皇無術求三島鄒衍憑空撰九州南北自教鵬運海古今非復貉同邱望洋向若嗟何補且遇青山汗漫游

次韻答李六容

窮荒無雁只爰居繫帛遙傳海上書小隱知君非忘世遠
游憐我似逃虛夢魂楚水吳山裏詩興寒煙宿雨餘與子
忽分蠻觸角人生何處問乘除

寄懷李六容兼柬香嚴

鸞皇戢羽豹藏文劍閣山頭湘水濱兩地酒尊同醅酌十
洲棋局任紛紜乘槎誤覓支機石杖策新成出岫雲如殺
蘧園高卧叟何年水竹遣平分

八月十五日夜森比德堡對月

森比德堡為鄂羅思國所都地瀕北海良

天佳節月明雲散是日國人頂禮祇神鐘聲四起
耳目所觸感慨叢生酒後成章質諸寮友西人謂
海潮為月力吸引結句採用其說
或者為後來詩人增一故實耶

祇廟園樓百仞高梵鐘清夜吼蒲牢見聞是處駝生背官
職無名馬有曹明鏡喜人增白髮奚囊搜句到紅毛冰輪

何事搖滄海去作長天萬頃濤

入籍雜感

雲天飄帛舞青苗
劉清慈餘蘇吟
謝文毅山

廿年稽古注蟲魚
搜括羸秦劫火餘
爲考諧聲類隔術
兼通畫革傍行書
九千文字成嚆矢
十萬程途騁傳車
安得上林親射雁
羝羊未乳返吾廬
金穀蘭葉王
麴芝昌

銅梁山麓澗之湄
山色蒼茫雲意奇
荷發雙池香在葉
桐高百尺老無枝
未成避世謀中隱
正坐封侯悵數奇
寄語九峯山下士
汲泉應及在山時

驥服鹽車上太行
眼中駑蹇任超驤
九方皋死心先冷
八尺身存項總強
豈有薔薇頌阜棼
誤尋苜蓿走沙場
何年外阪爭途罷
一騁蘭筋陟六方

朝驂黃鶴上瀛洲
無數仙靈相酢酬
九轉成丹無火氣
三

明齋詩話卷一百一十一
緘在口是清修朝從葉縣飛雙鳥睡倒華山合兩眸笑我
未諳兜率例綠章猶抱杞人憂

作隊長鯨集海東怪雲腥霧掩晴空六破金版都陳策五
蔡梁軔備討戎但願奇功歸謝傅自甘無識似桓沖澶淵
一擲誠孤注莫怪南箕熒帝聰

春盡尋芳自怨遲故爲驕蹇正情癡瘦留豐態渦雙頰笑
帶曉容蹙兩眉瓊拌脂缸珠拌粉金鑲蘭藥玉鑲芝昌陽
香溢盆池外過院東風未盡知
邂逅高唐日未曛誰言暮雨又朝雲佩環留質亦何益香
火尋盟空復云雁帛傳書詢隱語鮫綃織句擬迴文蓬山
有客聞長恨不怨君王怨六軍

周馥字玉山安徽建德人官至兩廣總督諡愨愨有玉

山詩集

詩話愨愨早歲卽爲李文忠參佐文忠督畿輔籌海
治河練兵興學愨愨無役不預存歷節鎮聲施爛然
晚年納節寄居析津養舍優游深學易理其所爲詩
旨在微婉而辭歸贍實自序謂絃外之音識者當自
得之蓋其身處高明時當中晚寄興所
在固不屑屑以風雲月露論工拙也

慈雀

天寒空林雀呼飢老雀覓食歸來遲有蛇入巢吞其鷄繞
林哀噪不忍離須臾忽引眾雀至羣飛啄蛇蛇委地蛇死
頓供眾雀飽得喪循環報何異我家江南嘗苦兵人啖人
肉骨縱橫人心不古天降禍至今父老猶吞聲我作此歌
示人子養育恩深同一理區區口腹何多求勸兒見獵休
心喜

秋日過桃花寺

落日蒼黃野色昏
亂鴉聲急赴前村
荒田退水魚蝦賤
秋稼登場鳥雀喧
萍梗自傷天地窄
香煙徒見鬼神尊
湖波閱盡興亡事
歲歲寒潮到舊痕

出山海關

當年關外判山河
誰向橫流挽逝波
朋黨半從科第起
彈章繁比戰書多
錦衣獄急官如草
皮島人降士倒戈
卻歎路旁望夫石
年年風雨泣煙蘿

讀袁爽秋農部詩有感

紅塵十丈人如海
展讀新詩眼為明
江上釣絲牽客夢
酒邊吟管帶離聲
車輪碌碌青春老
案牘茫茫白髮生
擬約丁沽看柳色
登樓恐惹故鄉情

閔農

麥欲老時雨如縷
冒雨腰鎌裸兩股
割來一束釜中煨
姑婦夜春兒渴乳
人家麥熟忙上倉
儂家麥熟已斷糧
半納田租半償債
耒板未停檢衣賣
東家老農憐我飢
手分遺穗供作糜
夜深一飽枕蓑卧
蚊雷殷殷來嘍肌

三更炊飯四更起
入山採樵二十里
樵歸擔向市中賣
杯鹽升米養妻子
夜來西風透骨寒
一家喜躍忘衣單
橡林墜果紛滿地
拾來可供三日餐
儂家無田分外苦
何用勸農動官府
山頭壘石尙栽糧
貧人安得一畝土

山居宜種淡巴菰
葉鮮味厚價自殊
可憐糞田無豆餅
典衣買餅培田腴
無衣或且借衣典
鄰里痛癢關肌膚
六月炎風天忽雨
煙葉沾濡色如土
婦子收煙忙若奔
淋浪徧

體無乾縷儂家無田無煙賣忍飢不負三分債

三月招得採茶娘四月招得焙茶工千箱捆載百舸送紅
到漢口綠吳中年年販茶苦價賤茶戶艱難無人見雪中
芟草雨中摘千團不值一疋絹錢小秤大價半賒口喚賣
茶淚先嚙官家權茶歲算緡賈胡壟斷術尤神傭奴販婦
百苦辛猶得食力飽其身就中最苦種茶人

種田莫種黃泥溝嫁女莫嫁蓮花洲溝田年年發秋水洲
家頓頓餐糶子結嫖仍是舊嫖家但求佳壻足桑麻朝出
負薪暮汲水日助鋤苗夜紡紗柳林霜重爭收葉菜圃天
乾獨灌瓜渠儂不勞乏生路但解治生勞不苦祇恐青黃
不接時嫁衣典盡飢難度幸免飢寒願卽伸終身荆布敢
辭貧茫茫天道那堪問此輩偏多孤寡人

過縱陽

射蛟臺畔繫孤篷入眼青山似夢中
牛卧秋場閒曬日鳥棲荒壘自呼風
難將雞酒招詩客誰向蟲沙問鬼雄
三十七年桑海變爭教兩鬢不飄蓬

瀟灑

瀟灑江湖又五年天教閒處看雲煙
捉鷗自信無漁父駕鶴何妨學散仙
香草美人殘夢斷藥鑪經卷暮年緣
江天清曠堪娛老祇恐風濤聒醉眠

記五月十三日事

詔書午夜下天閭父老驚疑破涕痕
何故奪門同景泰有誰感泣似興元
宗賢負展應難選舊制違時詎可援
自是老臣過憂慮孤忠無路達修門

林肇元字貞伯賀縣人諸生官至貴州巡撫

甲申被放南歸再游飛雲洞

天地靈秀貴搜抉抉而得之在巖穴雲藏於山天意奇欲
飛不飛殊駭譎我再登雲一憑眺山泉噴玉如騰笑山僧
留住情殷勤巢父行矣頭頻掉吁嗟雲兮且勿飛我欲乘
爾湘南歸再出當爲天下雨蒼生屬望功巍巍

劉樹堂字景韓保山人官至浙江巡撫有師竹軒詩集

乞假省親道中作

曜靈無停照親恩無盡期罔極歌游子游子同念之太眞
忠諒士絕裾將何爲雖曰王室故其如子道虧繫予甫髻
齡繞膝時提攜趨庭秉彝訓聖賢以爲師澄清攄素抱卓
立樹宏規屢貽卞和歎中途空徘徊登高望四野樵子採

蘭歸借問荷鋤者採之將遺誰云是奉高堂用以佐瓶罍
我聞樵子言惻惻令心悲關中變倉卒路斷音書稀就徵
參帷幄刁斗靖京畿運會無終極寒暑有轉移桑榆榮晚
歲愛日貴及時一官何所戀去去安足辭北臨大行道嶽
巖險如夷浮名不誤已眷顧在庭幃豈復朝還暮跡阻神
先馳回心消壯志守拙罄烏私甯與雞雛偶詎隨鴻鵠飛
甯郡未復大兵雲集居民轉徙悲不自勝

積雪連天白重陰翳未光邊城飛羽檄轉徙淚成行裋褐
不完體飢孩棄路旁甯無慈母意待哺有高堂昔也棲丹
穴俯仰樂未央中途一矢所飲恨百年長豺虎食當道白
骨萎沙場身死知何處悽愴斷衷腸過者不忍聞如渡深
無梁何時濟舟楫歡騰齊萬方

石穴吟

陡絕羊腸道崖居半壁懸虹橋浮石磴鐵鎖相勾連仰觀
猶惴悚鑿險孰使然征士視耽耽悉索憊經年居高甯不
畏失足墜重淵水深陷猶後火熱避於前烽煙何日靖王
道蕩平平閑閱安舊宅穩步聽流泉

花朝雪霽出三峽

片帆來天上猿聲不住嘯雲橫千樹短雪壓萬山低錦水
騰龍甲春花襯馬蹏壯懷如可遂定傍畫橋棲

初月

乍見疑非是哉生畫閣東不隨銀漢白翻對夕陽紅映水
連成壁銜山曲挂弓邀來光一綫照徧九垓中

楊宗濂字藝芳號潛齋金匱人歷官長蘆鹽運使候補

三品京堂有聊自娛齋集

天山雪歌寄張樵野

蔭桓

天山萬古孤臣路但有冰霜無雨露瀚海茫茫百丈冰崩
厓裂石陰風怒陽鳥慘夏玻璃聲素虬翻飛鱗甲舞鴻濛
鑿破冰柱摧流沙凍坼晶屏沍堠亭百里斷炊煙多少征
人從此去玉關西出穹廬高驚沙和雪飛戰袍要令邊人
識麟鳳暫離禁闕馳征軺中途枉我瑤華什坐令空谷聞
虞韶乃歎昔人處憂患和平意旨無喧囂蘇李論交記疇
昔漢南楊柳長安月更憶鳩茲話雨時風濤過眼成飄瞥
人海浮沈三十年太息河梁垂老別願君鄭重此須臾西
燕東勞兩愁絕吁嗟乎我生局促如轅駒有夢不到狼居
胥漢家三十六屬國昔日域外今中區羨君乘槎歷西海

雙蛟夾檝趨天吳重溟萬里若咫尺良維況乃同車書羅
 胸浩蕩星宿海撫掌揮斥崑崙圖崑崙峩峩轟天表寒門
 悲風何杳窳燭龍垂頭火鼠潛羲君御日不能到羌笛吹
 回大地春春風先徧河湟道乍聞塞外玉龍謠待迎天上
 金雞詔

宗源瀚字湘文上元人歷官浙江温處道有頤情館詩

鈔

詩話湘文有經世之才官浙中多惠政理繁治劇判
 牘動輒千言又博聞好古諳習掌故著述甚多詩才
 駿邁雅
 近眉山

松林庵古柏歌

憶我六月浮海吳陵來吳陵園社生荒苔忽見招提古柏
 勢天矯疑是蒼龍墮地遲風雷銅柯鐵幹老無匹參差何

祇百年物胡不腰腹磬磬四十圍但見一枝一折爭虬屈
咫尺之勢遠莫比晴空似有天風起胡不參天直掃浮雲
浮至今低首簷前伍桃李噫嘻此柏何好奇好奇無乃非
時宜山僧老醜有微尙摩挲枝幹前致辭紛紛黛色諸侯
墓劫火燒殘瞬非故亦有霜皮古廟前空嗟材大艱遭遇
此柏拳曲全其天青蔥萬古濃陰圓元精耿耿不可遏拗
金屈鐵相回旋夜夜空階鬱風雨低徊似與山僧語日日
虛堂動鐘鼓婆娑更向山僧舞只共蒼官守歲寒不須青
帝私春煦蒼茫海氣連岳墩浮嵐擁處思移根天陰一作
老蛟吼靈旗颯颯煙雲昏留此三日不忍去安得好手一
寫真戴文節湯將軍風流已矣今無存不然圖此槎枒崛
強出腕底日與忠魂毅魄摩盪空羣倫

都門答許海秋原韻

春明懷抱一爲開搔首南天撥馬回薄宦深慚投筆吏憂
時誰信出羣才高文京國同聲寡怨笛山陽變徵哀

謂弔王雨

嵐爲報臨江摧舊宅寒雲淒斷鳳凰臺

秦澹如都轉尊人小峴侍郎道光中分巡杭嘉湖重
建蘇公祠有圖有詩祠燬於兵圖亦尋失今年湖
上復建蘇祠而都轉適於兵燹後收得原圖集同
人湖舫出而徵題卽用祠壁舊刻阮文達原韻

西湖狐火庚申年精藍仙宇隳堤壩兵後數祠隆報祀斷
碑零落殘礎遷蘇公祠成蒐故實壁捫詩碣文猶全使車
悽然溯手澤湖光渺渺湖波漩盛衰回環六十載祇今依
舊雲霞媽擬收新景付藻繪況見遺軸圖清妍江山不殊

臺榭異尸祝重艤祠邊船蘇公於杭遺澤厚功復六井驅

葑田翳蔽二十五萬丈一朝席捲如風煙茅山鹽橋通運

道六議合向橋梁鑄今之湖淤已大治內河疏濬猶缺焉

支分派別辨清濁石確圖說思前賢阮文達有石刻杭州水利圖說向在吳山

今移撫部使君有志盍任此興復水利籌宜專聖朝輕帑

重民命不須減糶常平錢家世此邦有遺愛恤囚如種火

宅蓮侍郎在浙恤囚惠最著雲車風馬吏已仙雙高峯色長娟娟靈

旗月映南屏圓有時騎鶴來翩躚感今謳昔播管絃誦芬

迹德傾言泉展圖如操左券然惠風朗日圖中天

重修趙清獻公祠詩以落成

衢山蒼蒼衢水碧四千年中一瑰碩東南已徧昆明灰太

末猶餘丞相柏贛州祀自咸淳始蓮花一祠傍珂里宋時贛州

與衢之蓮花東坡題血食當時已如此况更百世月在水公像云

世有公像如月在水拱辰門外瓠璧荒入城兩徒鐘樓旁先後郡守

屢修葺靈旗颯颯飄虛堂我來肅拜值兵後祠孫零落祠

摧垢丹雘羣分清俸錢蕉荔新醜石室酒石室衢神之來

兮風穆清如聽琴韻聲和平神之去兮動雲幕翩翩疑有

橫江鶴迎神送神我作歌公儻被髮來相過思公治郡妙

寬猛古今相去何其多三衢人士汲修綆標表從公發深

省愛直多應愧長官孝弟真宜式鄉井仁言利溥章疏醇

寬全君子排小人公疏謂小人雖小過必排而去之君子

力為朝廷惜元氣豈以鐵面矜斷斷十卷遺書後人守梨

棗修完垂不朽遺版有闕失予墓門更擬龔豐碑重刻髯

蘇字如斗

遺版有闕失予

墓門更擬龔豐碑重刻髯

赴鄉勸農

躑躅千山爛綺如

躑躅俗名映山紅相傳花滿山頭其年必豐

烏龍嶺外勸耕

初遺民衰髮勝鋤耒老樹新陰覆里墟隴麥翠生農婦鬢
野花紅上長官輿荒蕪漸闕非難事注水愁無鄭白渠

西湖退省庵謁彭雪琴尚書賦呈

功成長揖寸心丹盪寇歸來尙據鞍九轉榮名儘辭職三
公虛席輒除官未須天上星辰履已作山中宰相看南嶽
西湖識臣意每依斗柄望長安

長槍大戟映煙霄寸管軒然壓海潮臺閣千言淆眾論江

湖一疏定羣囂世間參簿皆閒冗

公謂予曰吾無幕僚疏牘賤啟一枝筆惟在吾

手庵裏鶯花未寂寥昨夜詩腸起芒角老梅香幹發生綃

朱之榛字仲蕃號竹石平湖人廕生歷官江蘇淮揚海

道

詩話竹石官吳中久錢穀利弊研討詳審病目中年後益劇治官文書使人讀而聽之纖悉不忘剖析無

滯正未易才也

哭高伯平先生用文公輓籍溪胡先生韻

憶坐春風裏恩恩二十年詩文餘子事道德幾人全調籍

依韓韻傳薪重許篇少時經患難兩鬢早蒼然

先生和接物嫗煦到人深座下探經義惟空渺笛音風雲

何變色桃李為誰陰不意西州淚傷心已滿襟

黎庶昌字蕓齋遵義人諸生歷官四川川東道有拙尊

園詩藁

詩話同治初蕓齋以諸生詣闕上萬言書授知縣會文正招入幕府佐伐定有勞治古文法文正續惜抱古文辭類纂與王葵園互有異同在日本搜刊海東舊籍為古佚叢書至為精審訪徐福墓賦詩曰平田

幾頃稻花稠雙樹爲旂土一邱人代茫茫渾莫辨夕
陽荒海古今愁斷岸風飄著舳艫里人猶自說秦須
三千入海童男女知否當時盡到無禮猶求野訂遺
聞福芾同音契典墳讀史乃知徐市誤俗書偶脫草
頭文

東邱田家

川原盡坡陀厯落不成井人家占深曲林木互修永或非
西壤居疑是愚谷境雞犬會鳴吹煙火雜村嶺山深俗多
醇地僻氣逾靜秋清霜露饒稻穫水雲冷殘花倚空籬涼
月照疏影永念荷鋤人宵綯惜光景

吳南屏先生自岳陽泛舟金陵兼有蘇浙之游次湘

鄉會相國韻奉簡

尺土欲作阿房筵萬夫撼山龍膊摧黃金之埋地紀絕破
碎乃自秦以來承平一瞬閱三載池有水竹庭有槐麗佳

未接冠蓋盛戰鬪喜無笳鼓旣當時盜弄等蠻觸人事一
生何其乖相公起試活國手洗滌浩劫沙蟲灰遺民來歸
土漸闢雖有旱潦不爲災山川精神要湔祓憑藉文字輝
綦萊南屏老人今詩伯豪氣漸除心尙孩九江樓頭恣游
宴澤國那逢當路豺君山如賓集戶牖一回一上眞佳哉
天機浩蕩物與狎追逐鷗鷺無嫌猜洞庭三月浪花下桃
杏已落青春隕扁舟訪古詣吳越欲尋興廢生遠哀十年
干戈淪戰血六代歌舞荒煙霾霸圖王業亦安在白日但
照鬚眉皚新詩百篇易感激把酒莫負千金杯長江拍天
際雲海萬里孤帆應好開胥臺禹穴有餘興東窮嶺嶠西
岐郃

金福曾字哲人秀水人歷官直隸永定河道贈內閣學

士

詩話若人初官江南迭宰大邑惠政及民繼出治豫
晉賑李文忠調赴直隸疏濬子牙滹沱南北運河兩
堵永定決口理東淀舊址置坐船導淤瀦
水治事篤勤不憚勞苦鄉人士至今道之

周富兒歌

周富兒汝州薛窰人年十八已許字矣歲
戊寅大饑與母相失為翁家所掠賣轉輾

至徐州豪有力者物色去將奪其節富兒誓死不
從觀察譚公鈞培捐金贖之傳送至豫時南中義
士集捐代贖婦女屬余董其
役為歸之母家感賦是篇

黑蜨吼急魃舞狂三年赤地無耕忙男泉女布盡流散么

鳳乃逐哀鴻翔嵩山之陽汝水曲蓬門弱息顏如玉不隨

越女鬪鉛華已許梁鴻聯眷屬饑驅各自走天涯大地狂

颺颺落花萬丈游絲牽不住長淮嗚咽渡香車紅顏自恨

生無福死別生離拋骨肉城北徐偏晚問名牆東宋又來

窺目琴心一曲卓姬奔桃李無言息嬌辱兒女從來責備

寬何妨富貴藏金屋吁嗟羅敷自有夫莫將紅豆誤蘼蕪
女貞之樹倚天際磊磊早具凌霜株覆巢已分無完卵合
浦安知再返珠有人太息發奇願欲與天公補離恨萬紫
千紅總護持況是幽蘭滋九畹白璧求完漆室貞黃金待
贖文姬券捐金屢贖屢不成綠珠難與豪家爭誰歎高誼
拯奇節繡衣使者來彭城若非鈴閣官符力難慰窮閨破
鏡情千里明駝送故鄉不知夫壻在何方臨行別有心中
事欲言不言神轉傷兒生未識藁砧面兒去先登阿母堂
迤邐關山行復止停車爲訪長千里阿兄則來壻未歸乍
見牽衣集悲喜掌上珠仍送入懷奩中鏡尙虛連理人生
離合最無端蕩子青春去不還寶氏征袍蘇氏錦何時明
月照團圓雲茶南下日紛紛精衛難填海底魂安得黃衫

皆任俠卻教紅粉盡銜恩

何元普字麓生金堂人諸生歷官甘肅安肅道有靜齋

新集

詩話咸豐時左文襄郭意城先後佐湘撫戎幕因有
老亮新亮之戲語劉霞仙任蜀藩往受石達開之俘
作詩紀事亦以賽諸葛自詡麓生蜀相祠詩有云
王佐天生非易許且留巾扇任人師蓋諷之也

聞李湘石得廣文誌感

聖代卽今開廣厦故人聞又進儒冠秀才出處關風化天
下安危視校官增益俸錢資砥礪培成國士濟艱難青氈
一席裘千丈誰道吾曹骨相寒

寄懷王子壽比部

高卧辭恩詔承歡奉母慈湖山千古勝忠孝四方知憫世
邁園老騷情漆室詩樞言兼論德經術繫人思

邊患

邊患無今古兵機有是非課耕曹瑋略敢戰狄青威拓地
先朝遠通經大將稀奇功收積石滄海未全歸

胡鳳丹字月樵永康人歷官湖北候補道署督糧道有

退補齋詩存

詩話月樵於鄉邦文獻表章最力嘗刻金華叢書潘
暉琴學士視浙學輯兩浙翰軒續錄婺州人詩多其
所貽緝雅堂詩話亟稱
之詩學眉山跌宕自喜

荊州大隄行

城捍兵戈隄捍水隄互如城固如砥隄防乃與城防同能
守則生不則死荊州形勝雄崔嵬川源遠自岷峨來噴雷
滾雪日千里齧噬隄岸愁傾頽北岸之西四萬九千丈幾
費緡錢踰萬帑南岸之隄五萬四千丈有餘濱江如帶環

田廬自明迄今數百載過眼滄桑幾興廢修舉全資保障
才下隰高原供灌溉我來鄂渚閱五秋年年鼓浪騰洪流
潛沔江漢禍尤烈天乎何酷民何尤民不怨天咎在吏吏
視民命如兒戲可憐吏飽民益飢上千天譴降災異災異
先當防未然力之所至人勝天桃花春水尋常見瓠子秋
風捍衛堅不然徒費黃金築旋築旋決嗟顛覆臨變倉皇
空補苴百萬生靈葬魚腹子壽比部貽我書大隄岌岌成
沮洳恭陳二公勤守護能救民患安居我識斯隄高且
厚百餘年來未潰口泰山遠勝冰山堅河伯波臣羣退走
水利水害紛無常要憑隻手瀾迴狂存亡呼吸一髮繫危
如累卵安苞桑君不見鴟鴞鴟鴞徹桑土牖戶綢繆當未
雨願祝瀾安民舉安莫待羊亡牢始補

余本愚字古香休甯人歷官浙江候補道署杭嘉湖道

有十華小築詩鈔

昌化道中

流水忽然斷板橋何處尋灘邊覓漁艇日午渡煙潯芋葉
有荷意谿雲無雨心柔腴行漸沒歸路萬山深

施曜庚字小普號星衢會稽人官江蘇候補道

詩話星衢年八九歲時隨其父普生大令惠在宜興
縣署喜懸肘作壁窠書游邑中諸名勝援筆題識見
者驚異長以能書名入仕途後臨池不
輟晚年好摹漢隸求者踵接詩不多作

辛亥夏赴邳州桃源決事感作

入耳哀鴻徧野鳴誰教胥吏復苛征河流怒吼驚剝急疑
訴羣黎疾怨聲

捧檄長征正麥秋利民愧少鄭陂謀舟車往復三千里明

月清風伴我游

宿遷舟中即景

下相勞行役歸舟趁晚風
櫓搖蒙水碧帆映夕陽紅
隔浦炊煙起沿隄麥穗豐
篷窗相對飲項井話英雄

朱福清字修庭歸安人江蘇候補道有雙清閣袖中詩

詩話修庭值咸豐之季請纓從戎豪宕自喜趙忠節以團練守湖州修庭在其軍中嘗與忠節乘扁舟闌入賊營歌獻而返意氣甚盛後官吳中則頽然自放無復當年志概恆與蘇人爲詩酒之會有塵封古寺鐘潛動水落寒江石倒聽之句爲時傳誦

歇浦感舊

年華如水事如塵道是尋春卻送春
青雀劃開波底月黃金誤盡畫中人
落花無奈依芳草飛絮多情肯化蘋
不許今年頭不白懊儂詞稟又翻新

讀史有感用金粟子留別原韻

心甘納履傲公卿堪笑蕭曹盡世情
命薄宮人求入道時來豎子亦成名
海中風浪琴三疊江左河山局一枰
試向太行峯頂立舉頭見月十分明

汪文安字冠唐宜興人官湖南候補道

詩話冠唐中歲侍親歸田卜居吳門以著書自娛尤究心國朝掌故已刊者有十一朝東華錄肇要一百十四卷詩多散失止得一律

次韻答安遇

無官有子足忘憂勉爲攀轅且暫留
吳下歸期三徑待海東儒效十年收
相看我輩同霜鬢應使公卿愧黑頭
好與曲園譚佚事鐵瓶入地杳難求

余居鐵瓶巷與君家隔一牆

朱滋澤字晦子崇慶人官湖北候補道有晦子詩鈔

金陵懷古

豫王天馬奮南轅四鎮降旗晝夕翻王氣銷沈歌燕子閣
羣顛倒醉龍孫衣冠已葬梅花塚羽檄猶污粉黛痕蕭瑟
孝陵秋草徧西風日暮冷哀猿

汪桐字冠侯宜興人官浙江知府有靜齋詩鈔

詩話冠侯生有至性少隨宦嶺南與兄冠唐同爲東
塾弟子凡周秦漢魏六朝以至唐宋諸大家文皆手
自選鈔積卷百餘官烏鎮同知宰湯
溪常山等縣俱有政聲詩法少陵

感事

兵禍潢池弄啾啾鬼伯來悲風生子夜劫火到泉臺汝輩
奚堪惜蒼生信可哀誰爲司牧者慷慨濟時才
蠢爾當車怒公然學跳梁救民原有道就死亦堪傷令戒
三驅失羅休四面張温温天語厚流涕念先皇

題桃花扇樂府

崑老能歌柳善譚九州鐵錯鑄何堪公然一疏清君側痛
煞甯南與靖南

大厦難憑一木支汨羅同恨不同時白頭贊禮多情甚灑
向江天酹酒卮

水天閒話付漁樵一局殘碁一曲簫贏得美人千古淚年
年流恨送南朝

周天麟字石君丹徒人歷官澤州知府有水流雲在館

詩鈔

寒夜喜鄧獻臣明府珠見過用東坡聚星堂雪詩韻

宦海浮蹤聚萍葉與君同踏并門雪未經識面心先傾吏
事詩才信雙絕忽聞剝啄喜過訪出晤那妨屐齒折袖中

示我詩一編墨藻飛騰詎磨滅韓蘇大筆極奇矯硬句盤
空臂鷹掣我詩骯髒百不工十載愁吟鬢絲纈圍鑪促膝
談夜深萬瓦霜華感騷屑卷中風木吞聲多夢裏梨雲過
眼瞥平生甘苦應自知除卻高歌更何說送君明日上長
安定有詩腸轉輪鐵

人日寄懷王小汀

莢邗江

何必梅花發相思已不禁每逢新歲淺翻憶舊交深臘酒
膏騰意春盤冷淡心遙知草堂上忍凍亦孤吟

天宇

天宇真寥廓甯辭目送勞風鴉爭獨戍霜隼下晴臯遠岫
寒逾淨孤雲懶更高稻梁何處覓吾亦等鴻磬

舟晚書懷

明倫彙編 家範典 卷一百一十六
七
蒼茫雲水欲何之又到移舟晚泊時
冷淡心情斜照在艱難身世逆風知
破除積悶聊中酒抒寫離懷不廢詩
卻笑沙汀雙白鷺無愁胡亦滿頭絲

白冠玉字海仙華容人諸生厯官福建興化知府有小

香山房詩鈔

臨湘李藻亭茂才避寇來華容以詩見投和其韻

秋聲如雨落空庭忽動哀絃未忍聽
短鬢應從今夜白寒鐙猶作故鄉青
歸心引夢來還去酒力輸愁醉易醒
太息離蹤無定所江湖到處一浮萍

張度字吉人號叔憲又號辟非長興人厯官河南候補

知府

詩話叔憲爲小軒侍郎孫侍郎在道光朝屢奉使獻
獄多所平反以清正有聲於朝叔憲初仕京朝治金

石學評書畫一時推精鑒著說文索隱
補例二書入靈鵜閣叢書尤稱精審

登五峯山頂

蒼龍作勢從天來近城忽爾圍屏開山迴峯轉緣城拱清
潤直接庭階苔神游東海山飄渺蓬壺仙洲溟不可到此
得登層巔陡然矗上三千丈東西洞庭遙相向跬步直欲
叩天闕金闕玉節雲霞降上望清溟何所有獵獵罡風刮
耳吼回首塵寰勢若走大笑蠅聲城一斗廣陵琴漁陽鼓
金根賜祕器腐貴人名士皆黃土滄桑有幾時螻蛄苦不
知今人笑昔後笑今孰爲智慧孰爲癡江山若此胡爲不
歸碧厓桃花落畫溪棹雪霏日月如逝水往者不可追甯
作信陵醉無爲阮籍悲江山若此胡爲不歸安能頰首哉
翼閉樊籠使我不得狝霄飛

馬毓華字萊斐上元人諸生官陝西知府有東齋就正

詩草

寄和瞿京之 樹鏞

木石居游笑此身偶因新歲慶芳辰愛尋山水之間樂自
謂羲皇以上人花徑有時延舊雨桃源何處渡迷津樂游
原上韶光麗可許平分百五春

徐煥謨字綠滄號叔雅桐鄉人諸生候選主事有風月

廬贖稟

觀穫稻

昔日觀插秧移疏種密婦子忙今日觀穫稻連阡比陌穰
稔老涼颺瑟瑟天欲霜高隴低隴秋雲黃腰鎌隨風疾如
掃家家禾稻盡登場兒擎婦負日當戶西疇絡繹奔走苦

見說多收十斛餘，崇墉比櫛對衡宇。回思六月火傘張，日
中鋤禾汗若漿。彼蒼不負農夫力，今歲乃得盈倉箱。盈倉
箱如獲寶粒，粒皆由辛苦造新粳。炊熟連村香，出家此日
嘗新。早秋郊一望暮雲平，萬井歡呼慶有成。神絃社鼓相
喧逐，併作豐年擊壤聲。

茗溪道中

雲擁峯巒水漲隄，菰城南去綠楊齊。扁舟繫纜日初墮，坐
聽深林懊惱啼。

胡廷珩字涵卿號問軒，祁門人。侯選光祿寺署正。有春
草堂詩藁。

清明前二日作

輕風細柳暗紛霏，節近清明踏翠微。村店家家新酒熟，道

晚晴余言四卷一百八十一
途日日遠人歸偶尋古寺穿幽徑爲愛春山坐夕暉往歲
游蹤何處覓溪邊楊柳尙依依

潘鍾瑞字麟生長洲人諸生候選太常寺博士有香禪

精舍集

詩話磨生工倚聲所著詞分目曰逍遙餘緒曰僵瑟
音曰尋鷗閒語沖融纈栗兼草窗夢窗之長有游記
三卷記洞庭鄧尉諸勝詩四卷皆
紀游之作意致閒逸似范石湖

匯上里

昨聞里巷言異人世罕有西山匯上里蔡氏沈家婦年踰
一百歲山中無其偶今晨趨造之村客導先走門庭表肅
清竹木參左右登堂識其子疑是絳縣叟問年八十五自
云早衰朽雖幸抱孫曾康彊遜吾母引我闥中闈藜牀坐
耐久晬然益于背如邱禿其首叩以長生訣默默不開口

視我一轉睫遽起掩戶牖會茲掩戶意鏞鑰貴能守守之
金石堅可與彭佺友我聞磅礴氣惟坤得其厚陽動而陰
靜靜者每多壽況鍾山水靈迴脫塵市垢誰謂勞力身蕉
萃天隴畝人瑞錫自天創見額加手此境豈西池有星燦
南斗歸去誇眼福游仙良不負我亦癸未生追逐周甲後
形癯鬢二毛對母慚老醜一百有六歲知我能到否

尋包山寺憩其下院遂訪毛公壇

數里衝秋炎投門釋午倦不知雲岫深來此下方院偶逢
真率僧草履何輕便息陰竹柏間剛及茶瓜薦爽氣來虛
堂雄勢眇崇殿小話廢興跡恰未龍象變仙壇古道場塵
劫迅飈電過墟天宇空陟峻榛莽徧波窺雙井沈丹想九
成鍊錯疑綠毛生松鍼落衣綠

晚晴余言四卷一百一十一
三
黃維煊字子穆歙縣人官臺灣海防同知特用知府贈

太常寺卿有怡善堂贍橐

同治癸酉臺陽雜詠

萬石樓船照海波沈沙殘鐵試摩挲春光漸洩春陰薄莫
放扶桑日影過

顧濟字作舟一字竹極金匱人諸生官安徽同知有青

琅玕館遺橐

贈廖再卿

一劍干戈裏書生氣骨逾湖山淪末劫烽火黯滄洲義動
秦庭哭身悲楚館留蒼煙沈白日風雪暮江頭

畢醇齋示題秦淮夜泊圖句有感舊游

水亭夾岸絕瓏玲繞徧青溪幾曲櫺客思欲將紅豆種夜

涼風影一燈青

張家鼎字變盦江蘇華亭人官浙江同知有鐵華仙館

吟草

久雨

不斷連朝雨林霏晝未開橋低流水漲山斷溼雲堆漫作
尋春約誰能著屐來鵲聲空報喜花外又輕雷

蕭雄字臯謨益陽人候選直隸州知州有西疆雜述詩

詩話臯謨久困場屋同治季年從軍征回編歷天山
南北於其山川風土各紀以詩西征文士人與施均
甫並稱之

關展

關展城連小澗邊西來剛過黑風川并疆蕞爾人聲寂沙
草坡中數點煙

奇臺

西經谷壑出平蕪城倚陰山俯壯圖隔浦沙陀餘故壘月
明風冷夜吹蘆

風洞

深谷崖邊一竅開洶洶橐籥走奔雷呼號亂捲長川石算
是乾坤鼓盪才

俞廷瑛字筱甫吳縣人官浙江通判有瓊華集

擬左太沖詠史

長安多王侯冠蓋盈通衢區宇值清晏徵逐相歡娛開尊
揖上客彈絲出名姝夜飲不知旦此樂古所無一朝匈奴
入失色同嗟吁一謀遷貨賄再謀徙妻孥

仗劍出門去頗思立殊勳十年不得志歸來事耕耘祇爲

八口計敢辭四體勤歲時斗酒會卽事多所欣有客談朝
市掩耳不欲聞俯視清流水仰看寥天雲

落葉

空枝無復見巢鶯一曲吹蓬聽最清繞徑自尋秋外影打
窗猶怯夢中聲山林枯槁曾何用天地蕭條太不情獨向
瓊臺高處去居然列子御風行

春草池荒久未臨亂飄煙翠滴牆陰去如浪子蹤無定盼
得良媒信又沈極浦秋殘紅樹老空山路隔白雲深青青
祇有閒松柏未負栽培一片心

葛士達字伯材號子材上海人諸生官平定知州有遠

志齋詩藁

登大峪雕窠寺

下騎還登百尺樓，煙雲萬象豁清眸。
嵌空窗牖藏山隙，屈曲巖廊瞰澗流。
怪石當階驚卧虎，長松蔽日隱蟠虬。
詩人到此應殊少，壁上曾無一字留。

楊葆光字古醞婁縣人諸生官景甯知縣有蘇盦集

自四安返杭易車而舟對雪感賦

水居喜有舟推篷見殘雪，昨朝途遇雨破被冷如鐵。
壯士不畏寒，腔中有熱血。嗟彼趨炎者，炙手可使熱。暝酒擁肉屏圍鑪，據金穴。安知茅舍中高卧，有清節。況當頻年兵骨肉動，隔絕軍前戰衣薄。坐使肌膚裂，憶昔李涼國，襲蔡亦人傑。江南帶甲多連兵，一何拙。將才良不易，世事那可說。鰕生雖無才，齷齪殊不屑。生與噲等伍，羞爲論優劣。班超非異人，燕然有銘碣。拔劍起雄心，摩崖紀餘烈。但願戰功

成莫詠新昏別

次韻答孫載之

我來海陵路三月有飛塵求友不易得見君良獨親豺狼
苦盜賊鴻雁慘流民世事一揮手徜徉墊角巾

南埭草堂同韓子玉茂才

德麟

對雪效歐公禁體兼

用其韻

窗前老樹漸舒萼旭日淡淡風來薄銅鉦已隨魯陽返斜
珠靜待鮫人作平野漫漫極炫晃長天迴迴迷寥廓陰寒
內疑鐵可鑄光華外耀金爲爍微冰倏已蓋池沼積霰俄
然失籬落鄰家富翁烹羊羔熟視美酒擁狐貉祈於元冥
方免獵團成師子復紛攫我當此境噤不語構火自溫拳
凍雀山居悵隔九斗塵不然徑去躡煙屨翦水作花助山

映暉雜言圖卷一百一十八
色豈必旗亭始行樂況今晉豫猶阻飢只可團茶試調論
隨車逐馬有故事讀書城南慰索漠卿如欲問霸橋句第
一功名愧橫槩聚星堂事何敢比聊破寒威資笑噉

登巾子山

山背羣松拱樓臺聳半空鳥聲深樹裏人影夕陽中遠岫
齊疑靄輕帆乍穩風漉巾何處好江水酒池同

夏詒鉦字範卿號研齋江陰人官永年知縣有十五研

齋詩草

詩話範卿少時隨宦流寓河北避寇黃山得詩成帙
官永年最久勤於民事平反冤獄治河籌振遺愛未
湮詩近中唐自然修
潔五言尤多雋永

黃山晚步

隨意此徐步鄉居一味閒樹迴青嶂合村盡碧谿灣流水

自成瀑夕陽猶在山林泉且吟嘯烽火黯塵寰

村居曉起

滿地槐花白荷鋤人出門雲生山不斷雨過水猶渾鳥語
喧朝日雞聲連遠村晴光開宿霧叱犢滿前原

衛輝朝陽寺

城南古寺鶴守扉西風颯颯吹我衣橫塘一徑夾寒水落
葉與人爭路飛雙桐拔地雲千尺老檜年深根化石松寒
竹瘦古僧癯入門一笑斜陽白石泉松火茶味清秋花媚
客深幽情一房山翠可窗碧幽禽古木鳴秋聲願學無生
求妙證古佛垂眉僧入定滿天明月照禪心贈我歸途一
聲磬

秋日有懷

一尺青琅玕相思秋月寒殷勤覓鴻雁目斷秋雲端雲端
隔煙霧月照梧桐樹不見素心人當階一葉度

蕪萸亭

冰合滹沱水效靈君臣麥飯感飄零雲臺圖畫今何在不
及蕪萸尚有亭

葉慶榘字誠齋仁和人官雲陽知縣有蘆聞室詩橐

題畫雁

更無殘夢落池塘乍可分翔逐稻梁蘆荻蕭蕭秋思迴孤
飛此夜宿唐昌

翁壽麀字惠君號米老湘潭人官江蘇候補知州有杉

蔭橋邊舊草堂詩集

行路難

邳州嶧縣爲東南交錯之壤自臺莊至韓莊計八十三里建八大閘漕水濟運聞之士八

云水勢漸高里增一丈時黃河泛溢秋漲滿
野奔流有聲千人邪許日行數里悵然賦此

行路難空長歎河北秋風八月寒
薊門煙樹何迷漫征衣
密縫慈母綫天涯鴻雁孤飛倦
不見齊州九點煙痕青但
見濟水七分清泠泠鑿石蓄漕濟
漕運河爲控制波爲滄
奈何水勢建瓴下淮黃交匯如
滄溟天吳夜舞老蛟泣蜃
樓雜沓飛濤腥嗟余鼓枻苦行
役長波乃遇石尤逆金隄
潰決若瓠子八十三丈濤頭碧
轉篷捩舵舟不前十里五
里日向夕舟子饑呼邪許聲
一唱百和淒以清安得長房
縮地術過此八閘奔流疾

湖邊古寺

秋水倒浸湖雲溼
秋林黯淡織月入
行人繫纜秋樹根
井欄落葉無人拾
古廟蕭然佛不靈
老僧饑抱佛腳泣
蒲團

明倫彙編 卷一百六十一
三
坐見星斗光狐狸夜夜學人立

立秋前一日喜雨

黑雲如磐低壓樓一雨作涼天欲秋清淮倦客無一事倒
枕卧聽簷瀑流今春江南苦不雨行人道路面焦土忽然
淫雨四十日屐齒滑滑泥沒膝遠念家山縱豺虎干戈滿
地斯民苦喜看早稻花滿田黃雲壓野期眼前浮生飄泊
亦何恨年豐苦盼東南天

立秋渡黃河

靈槎萬里挾長風浩蕩河源不可窮一脈混黃餘太古百
川宗派亙天中雲開岱色經秋碧雨助濤聲入夜雄逕畫
乾坤限南北鄉關消息託賓鴻

高望曾字穉顏號茶庵仁和人諸生官將樂知縣有茶

夢庵詩藁

詩話茶庵年十七作蚺賦千餘言江夢華稱爲西泠秀氣冠絕一時官將樂知縣治事不苛作解訟歌閩人多誦之所作還鄉雜詩寫劫後情事如畫

還鄉雜詩

撫序感霜露朝出城西門湖山黯無色不知天地春官隄
縈鳥道夾路披煙榛將軍舊築壘亂石如雲屯孤往十餘
里破屋知荒村入山拜先隴抔土猶如新貧家少封樹雜
卉紛尙存前岡聳華表鬱鬱誰家墳石馬半傾蹋松柏摧
爲薪敗棺見殘骼拜掃嗟無人我輩賴先澤虎口留餘身
惕惕冰淵戒一綫延干鈞祖德儻能述愧無華亭文
山行不逢人尙餘豺虎迹下馬讀殘碑道旁小歇息鄉人
荷擔來纍纍此何物前肩挂髑髏後擔束骸骨爲言荒村

中狼藉無人郵官局論斤買易米計亦得敗骼攬牛羊真
偽孰能別山南淨慈旁山北棲霞側荒塚何紛紜千魂共
一穴杭城收復後官紳設局收買屍骨每斤八文於南山淨慈寺旁北山棲霞嶺各瘞十餘塚八百斤爲一塚
豈無忠與貞豈無豪與傑身後誰得喪都付一邱貉俯首
念妻孥淚下衣襟溼

秋日湖隄晚眺

疏柳蟬聲急秋風幾度過此時殘暑退何處晚涼多流水
碧如瀉夕陽紅漸趁吳娃盪舟出采采聽菱歌

鬪鳳樓字仲韓合肥人貢生官奉賢知縣有六友山房

詩集

詩話仲韓天資俊邁於書無所不讀尤嗜經世之學嘗撰新疆大記以道里城郭爲網別記述回準兩部舊事具有條貫番禺許星臺方伯應鑠衙齋綠牡丹作花仲韓爲賦詩和者頗眾編爲清華唱和集乃以

此不嫌於撫軍謂假文字爲黃緣竟坐是
論罷陳滄洲虎邱詩後亦吳門一詩案也

今日何日行

今日何日江水長波平溟渤山蒼蒼黃雲釀雨天欲霜月
躔箕畢星垂芒青楓葉赤彫猗桑羣欣魄兔忘商羊美人
珠箔調青商一彈兩鼓仙靈翔低集鸞鸞高鳳凰斗宮之
側薇垣傍蘿披荔拂驕虎偃磨牙拇血思截肪日測銀漢
排津梁星君笑視狎且狂疑通土伯幽都望叢營溼食如
餓餽頌則降福違不祥橫橫太白精凝光作彗西指紛旗
槍倒行不顧經躔傷羣仙嬉游旌麾颺俯首雜沓逐隊行
句陳奎壁圍徜徉暉臺黯黯豸化裝湔滌塵末傾杓漿美
人內顧依象牀白雪失和空雲襄朱絃膠柱殊笙簧安得
奔月親天香羣眞諧樂嘉清揚履舄戔戔視八荒

吳寶三字康之桐城人官鄆城知縣有鞠隱山莊遺詩

秋色

秋色碧無際離離禾黍香馬疲泥路滑蟬咽晚風涼雲缺吐明月山高拱夕陽豆棚與瓜蔓點綴作村莊

倪鴻字延年號耘劬桂林人官福建候補知縣有退遂

齋詩鈔

詩話耘劬以簿尉官粵東游張南山之門同時如陳蘭浦譚玉生皆與締交築野水閒鷗館於越秀山之麓觴詠於此詩功力不深而自饒情韻集中多載明季閩粵遺事足補志乘之缺

春日郊行

紅棉碧嶂挂斜暉陌上誰歌緩緩歸二月楊花飛似雪東風吹上酒人衣

踏青步履不辭勞三月飛花點客袍舊雨墳前多宿草東

風門外有天桃入春田水潺湲急負郭山家向背高底事
催人歸去急昏鴉噉近古城濠

檀度庵觀平南王第十三郡主自悟大師畫像

結得團焦在穗城頭銜要署大師名粉侯不嫁非無福飄
泊憐他孔四貞

聽松園瓦當

方寸團圞古鏡形飄零何止玉樓釘上元綠字應相似小
篆荒苔一例青

望雲庵觀明郡主出家畫像

金山山畔築精廬日誦楞嚴閉戶居棕拂蒲團成結局白
頭愁煞老尙書

余雲煥字鳳笙平江人諸生官四川知縣有白雨湖莊

詩鈔

歸州

萬家碁響觸羈愁枕上灘聲又換秋絕好江村圖畫裏亂山斜照泊歸州

李丈次青方伯乞山中紫薇花將去數本媵之以詩
紫薇花發繞吾廬豔雪晴雲擁上車將去宛如新嫁女到
時應識舊中書前身或者絲綸閣夜夢因之水竹居位置
平泉莊上好不教淪落在荒墟

再抵成都

籌邊依舊上高樓內地河山壯益州酋長西來通職貢大
江東去扼咽喉書生不作三刀夢閩帥相持半壁秋劍外
烽煙瀟海瘴孤吟誰識杜陵愁

李嘉績字凝叔號雲生直隸通州人官陝西知縣有代耕堂橐

甯羌州

行盡利州路重關第一程詩猶歌蜀道人已變秦聲據水橋橫出黏天草亂生東山山翠重愁壓武都城

彰德

樓閣立崔嵬晴雲四面開路從天上至人向鄴中來不覩建安筆難逢河朔杯徒令千載客駐馬歎雄才

送章碩卿之官武昌

送爾之官去關山奈別何千金垂橐盡萬卷載車多酒待招黃鶴書應換白鷺一函好相寄珍重翦江波

薛福保字季懷無錫人陝西試用知縣有青萍軒詩錄

詩話季懷爲叔芸中丞之弟高才通識聞文介丁文
誠皆頗引重早歿未竟其用叔芸豪於文而不以詩
鳴季懷則詩學甚深奄有荆公涪翁風味
遺集僅存數十篇精悍堅栗多非凡語

九日登千佛山

嘉名古云愛攜手躡巘岵甯傷廩秋暮惜此永日歡斜日
在郊垌晴皋墮輕翰亭亭華不注峭蒨不可餐三周弔陳
跡百雉森雄蟠酌彼在山泉倚茲千丈磐摩抄崖上佛煙
雨故不剗俯窺小洞幽笑歎黔生寒不知鐘梵夕省想爲
盤桓吾生幾兩屐勤可親煙巒毋令歲華晏庶以恣游觀
夜坐書懷示偉度穆庵

流泉瀲灩軒窗隈窾木屢擊鐙花摧起看斗柄惜長夜跬
步佳客如瀛萊窺編欲友千載士靈意翻被陳人埋捲書
凝坐自怡適憂端硤硤未可排西溪故墟不可到北堂已

見霜鬢體曾參于外不一宿肯以朝市荒南陔尤嗟仲氏
意獨悴一病兩見鑽冬槐楚澤燕雲各蓬散書如束筍愁
相催各懷懇懇苦相憶斐然諸弟孰與裁徑思鼓柁渡江
去松竹及此華年栽踟躕既乏賣藥業亦愧農圃能耘培
太行蒼翠已滿眼東風吹我西去埃秦關一入行自脫長
安雖好非吾懷還須炙輶向稷下桃梗聊避土偶哈白鷗
浩蕩任去住吾計於此良恢恢偷閑息鞅暫爲樂登臨幸
有名池臺隆冬泄陽苦無雪天心慳絕不可回憂時活國
豈我責妍暝趁弄城西梅百年鼎鼎若驚電煩憂坐使流
光隕好作南烹共呼食子有三徑吾能來

與同人游濟南城西憩尙志堂歸呈稚璜宮保

羸秦燔詩書云欲愚黔首我今抱陳籍兀兀亦何有坐窗

欲瘦聽泉流涓涓日夜歸滄洲晴光妍暎意忽動攜手城西消百憂城西之堂誰所考我公造士歌芹藻鬱然揭出鄒魯心庶與髦士相雪澡我慚學古迷津涯飄搖坐惜去日賒稍欲茂厥業故當養其芽仁人貺我有高意斯堂洵美其可瑕竹林幽幽梅未花泌流詰屈紆卧蛇朱魚游空斐而葩行吟坐笑妍曦斜一邱一壑吾意得古意冥冥還獨嗟

贈古狂

傾蓋識君心霏雪盈君首肝膽久益炯芬烈不可垢緼袍憂蒼生有淚欲盈斗長嘯六合間忽落三季後羲皇入夢想婉變相唯否聞人織毫善若拜錫圭占春意溢座隅不啻自其口卓哉元紫芝堪使薄俗厚我今請改事謔侮安

可久懼干鬼神怒於君亦何有

厯落無町畦猖狂蹈大方時有蓬之心咫尺迷所將隕然
得懸解元珠墜其牀嫉邪素髮指干莫難為剛低首奉蛾
眉奔命走欲僵斯人故莫測通蔽兩不常奈何墮神州不
產文身鄉卓為獠狂傑鹿豕相翱翔臃腫與鞅掌尸祝事
庚桑一被周公服八尺空昂藏君嘗自謂生於中國其才
必有殊績余以爲知言

息雞圖

蟄影山樊內形神兩不期都忘芥距意豈有稻梁思畫者
通微悟天倪妙獨追己應知晦養勝似午嘯時

正月五日出游作

聖伏神徂千載外鸞飄鳳泊九州間兼窺儒墨無門戶行

明倫彙編 家範典 卷一百六十一
三
盡關山費歲年盡日登臨攜舊雨他鄉風物似斜川玉杯
繁露非吾事炳燭歡游差似賢

武侯祠堂

赤伏餘光未肯頽黃初雄視紫髯雌一龍中道還寥廓三
馬平原脫羈羈陳跡總隨流水逝空祠獨與大名垂悠悠
已是羸劉後一羽雲霄渺可思

鄂生觀察見示卽事書懷詩次韻奉和

百戰歸來謗不訾飄蕭雪鬢與霜髭晚途偶更師劉晏絕
漠猶堪斬郅支填海移山終不悔吹聲射影豈非癡中朝
垂意苞桑計龍變雲蒸會有期

吳保清字梓珊嘉興人官河南知縣

題李文石校經圖小影

人生任天機至理靡不通靜觀羣動息冰雪澄其胸讀書
觀大略精力穿蒼穹久之神悟澈運用嘻無窮玉溪學獺
祭彭城工雕龍擣擗章句間毋乃愧稱雄君負奇特才矯
若挺長松弱齡破萬卷談笑座生風搖筆起山嶽突兀撐
晴空業遂勤自韜隨意圖其蹤有畫不必展有書姑弗攻
卷石可徙倚草色方青蔥順時適至性懷抱方惺忪彷彿
王逸少嘯傲會稽東又如諸葛子抱膝吟隆中或方黃叔
度或擬郭林宗我獨攄臆斷純仁忠彥同會心不在遠相
對雙梧桐

謝綬名字理齋天台人諸生官安徽知縣有雲萍集

蟋蟀詞

籬豆花開秋月出月明疏籬聞蟋蟀終宵唧唧訴苦愁寄

君籬下思君恤餐風飲露不辭辛常怕金籠了時日

奉和竹莊吳中丞夏滂歎

天外瀉銀濤渾疑鍊石破晝黑雲近頭龍逼蛟涎唾纔免
庚癸呼何期風水作飛瀑落簷牙雷鞭催雨大忙停北海
樽驚起東山卧波撼城欲傾舟搖更箕簸倏爾變滄桑農
不安牀座萬頃香稻禾崇朝收拾過當春播種時田畯嘗
考課黍苗賦芄芄把酒臨風賀不圖災患罹末由分勤惰
自嗟命不辰非關用力愼秋薦乏餽糧潔蠲愁無稞鸚鵡
罕啄餘豆芻稱貸莖狼狽窮無歸扶持傷鮮左眼前皆鴻
噉米珠尙有那老羸疾易侵忍飢備藥銚苟且延殘生糠
秕雜土堞枵腹嗟黔敖蒙袂五中餓與其甌墦間盍去遠
方些丈夫半無衣遑恤婦人糶茅茨已飛揚涕淚交泥惋

中有小村娃垢面減姿媿中有素封家錢未留一箇缺衣
望生全缺食難醫瘴癘劫繼淪胥皖民太坎坷大地徧兇
殃柱臣歎無奈幸達九重知發粟散財貨荒政在均平帑
金毋惜剝觀察首觀風查稽需僚佐撫卹謹推誠吏胥防
欺爰勤慎吾儕分清廉共切磋仰體好生機豈顧聲華播
億兆樂鴻施或能彌小挫賑濟古所難勉將精神馭耳目
慮不周晡旦循環邏羣感憐憫情好聽紳耆譖有司庶績
熙開府南邦坐盛德民弗諼善氣同轉磨寇君借一年功
參左右个拜手讀新詩陽春愧難和

王瑋字蘊齋汾陽籍浙江山陰人官草堰場鹽大使有

小蘭亭詩稟

詩話蘊齋官草堰時值光緒辛巳夏海嘯巨災倡捐
施振繕治廬舍沿海築墩避潮如前明舊法修范公

隄緣隄墾植鑿河渠儲倉穀竈民賴之立石志焉配
施夫人斥飾以濟洪運使汝奎贈蘊齋詩有云此事
使君應自喜萬家歌頌到中閨蓋紀實也丙申冬以
母憂去官後不復出因累世宦蘇遂居吳下慕靖節
康節之風自號安遇老人與同侶相羊山水間夙工
入法旁通醫學詩出入陶白蘇陸諸家多適性之作

秋夜

耿耿星河見長空橫匹練冷露溼羅裾涼風捐紈扇人生
暮氣防天籟商音變遙思華屋中絲竹開豪宴

午倦

一飯寂無事晴光上小樓花枝媚秋色雲影逐江流悟境
靜中得詩情澹處求蘧蘧尋午夢隨遇卽莊周

夜讀

虛室夜遲遲孤鐙靜讀詩欲求開卷益合以古人期諫果
回甘後心花怒放時姮娥能解事送影入深帷

秋夜渡揚子江

人事不堪濁江流萬古清峯巒新畫橐星斗舊棊枰雁帶
秋聲去魚驚月色明扁舟輕一葉夜到綠楊城

歲暮書懷

世事今難問歸心在水涯官因慈母屈意獨逸妻知風月
無今古江山有盛衰暮年年又暮進退欲何之

舟行書所見

明月照澄波上下一輪映鄰舟小兒女借作妝臺鏡

西潭

西潭潭水淨於揩燈火樓臺近市街鹽廩接天祈望守布
帆逐浪旅人懷我憂斥鹵桑田變客譽芝蘭玉樹佳明代
防倭陳跡在鬪龍江外渺無涯

王汝金字礪卿號醉墨錢塘人監生官掘港場鹽大使
有味諫果齋詩集

新得汪氏故居偶賦

肩鑰何爲者幽居擬陸渾煙霞藏道氣風雪鍊詩魂蒼翠
山排闥澄鮮水抱門蘼蕪如可采惆悵賦王孫

韓允西字竹樵西平人諸生官無爲州判攝懷甯知縣
有海蠡齋詩鈔

暮春道經舒城山谷

路轉峯當戶林疏水繞村雞聲流磧底犬吠倚雲根地僻
幽居樂風醇古道存渾忘王事瘁茅店醉清樽

秦敏樹號散之吳縣人官浙江候補縣丞有小睡足寮

詩鈔

詩話散之詩馮林一爲之序謂其得湖山清氣
推挹甚至俞曲園亦賞之五律佳句頗近晚唐

江樓晚眺

小倚江樓晚天空物外心波搖孤塔動雲抱一峯沈僵柳
迎歸艇虛簷納暮禽此時無限思空復短長吟

汪守愚號虎谿秀水人官吳江縣丞有虎谿詩存

石佛寺

怪峯如蓮花古佛坐其蒂石室雲爲門微風自開閉昔年
採石人雕鑿只隨意妙明出頑礦是卽最初地干螺釋迦
髻十丈修羅臂石火詩中禪斧劈畫中詣會從奇險間拜
佛問真諦

辛酉九日示弟輩

多難登臨易感傷天教薄暝黯重陽雁鴻零落猶成列雞

大平安豈待禳小市祇工桑醪酒閒官久已棗爲糧折莫
試問諸昆弟猶勝登高各異鄉

陳伯銘字吉人江甯人官縣丞

題金山僧雲峯卓錫圖

手不持瓶頭不笠行李一肩松下息旣非竺道生亦非鳩
摩什細摹面目揣精神十年以前舊相識憶我與君初見
時地棘天荆無所之萬里鄉園那得返一家生死不可知
君於此中悟眞諦人世須臾皆夢寐果然打破利名關一
出危城便披剌野鶴孤雲自往來到處名藍商位置金山
殿宇縱成空至竟江南名勝地打包行腳尙嫌勞欲結茅
庵謀小憩繪成一幅卓錫圖灑脫悠然見眞意愧我從軍
屢及瓜江塵碌碌走天涯會當料理芒屨兼竹杖從君妙

高塔頂看煙霞

沈琮寶字組齋秀水人諸生官太平縣訓導有澹退齋

詩

夜話

竹籬西畔豆棚東竟夕盤桓興自同爲愛清言時娓娓翻
疑夜漏太悤悤幾人留戀三更後千古興亡一席中月落
參橫催曙色閒談水乳喜交融

高永昉字秀松江蘇華亭人官亳州吏目有月橋詩藁
擬韓昌黎嗟哉董生行

淮水何滔滔迢遙千里奔風濤淝水清而泚百里安流入
淮水安豐古縣淝之壩有唐貞元年董生生焉儒宮一畝
隱居於其間朝徵府辟不之及垂釣採樵以自給嗟乎董

生家貧已如洗催租打門吏何悍日出作夜歸讀無時休
息常歷碌上堂脩定省下堂具甘旨二人顧之爲色喜舉
室俱熙熙有道及妻子嗟哉董生孝且慈時之人誰復知
家有狗乳狗出未歸雞來代之哺其雛其雛不食且咨咨
以翼覆雛不肯離烏虜雞何知天鑒董生賢而祥降之嗟
哉董生賢若斯時之人疇克如其孝且慈

晚晴雜詩匯卷一百六十八終

晚晴簃詩匯卷一百六十九目錄

王蔭祐 五首

梅寶璐 三首

張桐 二首

陳寅 四首

劉肇均 一首

董紹蘭 一首

商廷煥 二首

于昌壽 一首

莊元植 一首

孫顯 二首

姚承燕 二首

秦寶璣 二首

汪芑 五首

黃圖成 二首

王貞春 二首

徐宗亮 五首

許惠 三首

王映薇 一首

許斌 一首

李西堂 五首

陳世相 一首

羅執桓 一首

胡友蘭 六首

孫垓 四首

顧家樹 二首

沈守正 一首

葉德徵 一首

曹廉鏐 二首

吳德純 二首

郭肇 三首

宋澤元 二首

董葆琛 一首

金其恕 一首

吳忠誥 三首

曹駿良 一首

胡兆春 三首

李林芳 四首

陳戍 一首

凌翱 一首

匡南枝 三首

李謨 三首

蔣本璋 三首

徐楫 二首

冉崇文 一首

張品楨 一首

李紹宗 一首

張人鑑 一首

陸敘卿 一首

晚晴移詩匯卷一百六十九

徐世昌

王蔭祐字子受正定人有覺華龕詩存

枯樹

浪說三株繞砌羅連枝顛頓感寒柯
皴霜皮黯冬心在媚
雨條稀老幹多至竟成材關閱歷
獨憐生意漸婆娑
杜陵
詩句蘭成賦一例霜毫忍淚呵

讀史

高文侈美新何如赤伏符投閣乃不死
咄咄莽大夫
東聘聯唇齒南征固腹心已成吞魏勢
詎料大星沈
同是中朝彥奚分蜀洛爲不須更相競
都在黨人碑
一出曲端死再出酈瓊叛心學乃殺人
符離四十萬

梅寶璐字小樹天津人諸生有聞妙香館詩存

題費宮人遺像

青史模糊碧血新千秋一劍氣彌綸同仇尙有秦良玉殺賊勤王到美人

貞心如鑑數難徵遺恨空憐太液凝應化西山萬峯雪寒光長照十三陵

久雨喜晴秋涼夜坐有懷

積雨兼旬喜乍晴碧天如洗透秋清杜陵託興詩多感宋玉增悲賦易成紅樹青山懷舊約藥鑪經卷伴餘生故人消息飛鴻遠兀坐中宵對月明

張桐字筱琴天津人有秋園小詩

雨夜思家

咫尺成千里言歸竟未歸遣懷親筆視別夢繞庭闈早潦
天心見炎涼世事非曾經兵燹過况復遇年饑

詠雪

天公戲玉太恣忙頃刻朱樓換粉妝終夜窻明如對月滿
庭花落不聞香煙沈野岸鴻泥淺雲鎖空山鶴夢涼此夕
烹茶添雅興一杯清味滌詩腸

陳寅字紫岫晚號鐵如武清人有蘭雪齋詩鈔

尹隱居鑒月亭

閒攜玉川椀來上尹公亭一水寂然碧萬山相對青詩心
留月鑒樵響隔雲聽澹極忘今古茶煙縈翠屏

辛巳重陽偕長彝亭少農過白雲觀早酌後獨游陶

然亭

明齋詩話卷一百六十一
一
偶出城闈訪上清黃花紅葉絢秋晴登高肯負重陽約縱
飲能消萬古情文讌幾年陪謝傅窮愁何計慰虞卿紛紛
眼底緇塵滿獨對滄浪想濯纓

客裏佳辰幾度過看花聊以慰蹉跎何嘗富貴中年逼已
覺飛騰後輩多秋水一方淹日月斜陽滿地愴關河孤亭
獨上腸堪斷戲馬呼鷹奈若何

溝壑行

暴雨下注湍飛山眾河上決濤連天五月六月苗稼殘干
頃萬頃溝壑寬民居蕩析屋不完釜突溼爛薪難然高田
浸巨蛙黽喧長阡風腥龍蛟蟠天災洊臻如豎纏洪流降
割同堯年我困青氈無一錢日擊道殣憂百煎入口尙難
安飽温千厦烏能庇飢寒蔽日不散雲冥頑朝來又見東

霞軒

劉肇均字伯洵獻縣人拔貢有櫻甯齋詩草

寄張孝達之洞

愛君因意氣豈獨昵交親志略能匡世文章不救貧遙知
鞍馬上應念藥爐人欲寄無多語時危慎笑顰

董紹蘭字香谷漢軍旗人有叢菊軒吟草

秋柳

風裏枝條弱秋來雨露勻可憐曾折處應有未歸人鶯語
久岑寂蟬聲自苦辛誰家羌笛裏猶怨玉關春

商廷煥字明章漢軍旗人有味靈華館詩

寄懷鄭芝庭上舍

玉立仙才鄭子真王園曾與逐車塵懸弧尙記同庚子解

劍恆思訂甲寅競病每聯茅店雨尖叉時煮甕頭春西風
昨夜敲檐馬坐對黃花似故人

夏園晚坐

元蟬噪夕陽綠重柳成行有客當風坐空庭過雨涼日長
青史伴人靜白蓮香微露新眉月林間澹澹光

于昌壽初名紹謙字東臯號子卿江蘇華亭人諸生有

東臯草堂賸稟苦心集

趙忠毅公鐵如意歌

一枝青鐵霜華晶提攜四顧乾坤小在昔款署良工張至
今器重尙書趙尙書名共三君隆風骨錚錚與鐵同中宵
起舞一擊節千錘百鍊如其忠獨居深念意不樂天際雲
陰起霜鶚想當出手指揮時委鬼茄花定驚愕其如天不

祚明何鉤黨沈寃走荷戈風聲嗚嗚鬼神泣拂拭囊底增
悲歌一身萬里君門曠漢關竟絕生還望白骨埋處青山
香流傳此鐵未從葬公身已去公物存摩挲欲比鐘彝尊
光芒上矚寒星斗崛強猶是憑忠魂吁嗟鐵兮爾何福名
傳千載爾餘馥長尺四寸重二斤上鐫名字二十六
莊元植字叔侯震澤人諸生有激觀齋詩

書齋

書齋客去倍蕭然坐對黃花瘦可憐一種荒涼誰畫得亂
鴉唳破夕陽天

孫顯字勗三無錫人諸生有妙香居小草

花朝

空山生計太蕭條濁酒填胸氣不驕賸有殘書如舊雨那

晚晴雜言四卷一百六十九
四
堪佳節又花朝強扶游興穿松徑聊寄閒情劇藥苗解識
升沈隨大化將軍莫問霍嫖姚

人日

客裏逢人日蕭齋絕可憐雪消簷上雨冰隔渡頭船愁比
春還早宵來夢不全計尋方外去儒服誤多年

姚承燕字芑孫青浦人諸生有詩民漫詠

八月九日南郊閒步

出郭皆秋色尋途荻葦邊晚潮寒帶雨孤塔迴淩煙樵爨
荒榛闢犁鋤廢壘穿擬沽村店酒生計足漁佃
信見邊防固軍資必豫儲荒灘屯土馬遠海躡龍魚機仿
法郎造民疑巢燧居側聞消寇警寰宇運舟車
秦寶璣字潛叔一字姚臣金匱人有霜傑齋詩

過桃花塢

江湖放浪信全真
慟哭唐衢不可論
一塢桃花又零落
曉風孤櫂過齊門

小石洞

雲扃終古閉
草色綠巖腰
鳴鳥不知處
游蜂如見招
洞天晴亦雨
花氣午猶潮
小坐無僧話
茶香破寂寥

汪芑字燕庭吳縣人諸生有茶磨山房詩集

渡太湖口占

天連雲水盪胸開
自笑乘風破浪才
七十二峯青不斷
片帆飛過太湖來

訪潘大出郭晚眺

言尋邠老去
臨眺正蒼然
樹遠疑浮水
山高不礙天
漁榔

鳴浦急牧遂出村圓薄暮橋頭立平林半沒煙

池上小集

病起好酬雞黍約

巢隱病
疴初愈

崦西頭是屋東頭豆棚瓜架偏

宜雨柳陌菱塘易得秋鷗夢不離湖上棹蟬聲多傍夕陽

樓市鶯輪與柴門迴無數溪山供卧游

度時崦嶺至銅坑

漠漠雲陰二月天層岡復嶺俯平田杏花能白非關雨楊柳初黃不受煙幽境每從迷路得吟懷差喜入春妍湖山舊侶銷兵燹寥落晨星感昔年

題陳子毀孝廉

銘

詩文集

劍氣珠光久鬱埋瑤華贈我眼驚開身全浩劫庸非福詩到名家始斂才趙壹飄零囊底罄杜陵辛苦賊中來故人

尙有王湯在好對湖山勸一杯

黃圖成字伯西江蘇甘泉人諸生有希陶軒詩鈔

詩話伯西無子及後其婿董玉書
爲編遺著詩多遭亂傷懷之作

夜坐

寂坐渾無賴天空黑氣沈殘
鐙耿寒夜疏雨碎愁心懶與
書相接聊將酒半斟孤鴻雲外響
淒切感人深

舟返鹽瀆寄邗上諸子

還家八十日渾似客中游
雁序倏離別驪歌空唱酬
水天三百里風雨一扁舟
倚枕潮聲急鄉心逐浪流

王貞春字煦堂句容人有僑隱集

越吟

東下錢江深復深渡江一舸入山陰
天台此去無多路流

水桃花未易尋

購得楊升菴先生雪韻樓畫像敬賦此詩

萬里君門遠投荒死未歸山花蠻女曲椎髻漢臣衣木落
愁猿嘯倉空宿鳥飢思親餘涕淚應逐白雲飛

徐宗亮字晦甫號菜岑桐城人世襲騎都尉有善思齋
詩鈔

黃鶴樓望雨

黃鶴樓頭鶴不歸隔江雲氣挾山飛盤空急雨垂天下入
望長帆到岸稀水鳥帶煙投別樹風豚吹浪撼危磯道人
移榻西窗近愛聽江聲接卧幃

贈趙新齋秀才

年少方多病親衰更患貧長途憐作客生計苦依人有鶴

形同瘦如龍性未馴相逢悲握手添與淚痕新

晚過山寺看芍藥

丈室花光照暮天色香空盡轉生妍青山何處容吾隱看
到殘春又一年

洪山弔羅羅山布政兼感李迪庵舊帥

洪山一握征南節並世孤忠歎百身淮蔡專征誰繼志山
河憑弔各傷神多材自古傳三楚儒將當時更幾人寂寞
路旁祠廟在尙聞風雨泣遺民

夜飲示家人

閉門無事坐成晚正是冬深欲雪天樂趣恆妨兒輩覺酒
懷時愧古人賢紙窗鐙火團圍夜茅屋松杉八九椽往事
淒涼堪憶否寒江短景望歸船

許惠字慧軒桐城人諸生有擇雅堂集

墩子湖

湖上荷花十萬枝夕陽如醉雨如絲眾香國裏雙棲穩且
爲鴛鴦立少時

板子磯

板子磯邊江水深青楓搖落氣蕭森霜華暗染勞人鬢颿
影孤懸獨客心風定寺明煨芋火月斜港斷搗衣碓浮生
片刻清涼境試向中流鼓素琴

壽春孫氏東園題壁

更尋幽僻處秋氣澹斜暉藤曲不堪杖荷枯誰製衣鼃鼃
下上躍蝙蝠縱橫飛予亦忘歸客悵然吟式微

王映薇字紫垣合肥人有自怡悅齋詩存

春雨夜坐

西風獵獵雨瀟瀟
冷焰無光夜寂寥
寸草報春心半死
殘桐入爨尾全焦
舊詩已狗秦灰劫
新鬼難憑楚些招
撫髀愁生推枕起
村醪味薄不能澆

許斌字芷江桐城人有藕濱詩集

嫩涼

嫩涼初試雨餘天
天際微雲意淡然
剛到秋風已蕭瑟
夕陽池館一聲蟬

李西堂字春池滋陽人諸生有晚悔堂詩集

秋日厯下晚詠

斜日冷殘照高城
欲暮天遠山寒映
郭湖水暗生煙慄
慨翻詩卷淒涼聽
管弦不須論出處
客裏總堪憐

與莫午橋夢槐旋自江南至濟甯午橋北上占此話

別

握手話途窮乾坤飲泣中飢寒千里共辛苦兩人同愁說
君游北行看我欲東悠悠驅馬去悵望暮雲空

九日登少陵臺

木落西風雁叫哀黃花滿地獨登臺古人何往名猶在佳
節無端我又來把酒欣逢陶令醉吟詩轉憶少陵才憑高
幾度欄頻倚寂寞斜陽冷碧苔

雨後湖上

湖上東風雨乍晴湖中畫舫亂歌聲七橋柳色青搖水干
佛山光綵上城名士今猶傳厯下尙書終是怨燕京不堪
往事重懷古步向滄浪聽濯纓

秋日村居

荒村樹老破籬斜，就裏炊煙住幾家。
一夜西風涼過雨，朝來開徧豆棚花。

陳世相字輔堂號少航信陽人諸生有小茗山房詩草

山行

千山如拱立，邀我快攀躋。
路險人蹤少，峯高暮色低。
水聲懸峭壁，巖影落深溪。
小鳥窺子至，驚飛夕照西。

羅執桓字樹公鄭州人諸生有蘖琴軒詩

夢中作

買得扁舟便是家，一竿一網寄生涯。
晚來獨醉西風裏，卧看芙蓉兩岸花。

胡友蘭字馨谷廬陵人諸生有蓼蟲集

詩話馨谷幼貧棄書業農既又去爲木工然不廢吟詠其兄友梅雪村勸之讀乃得爲博士弟子員終不遇而卒詩質雅雋永雖處窮約又邁寇亂而無抑塞不自得語

山行

晚煙一抹鎖前峯
秋老丹楓帶醉容
隔嶺不知何處寺
西風送出數聲鐘

己酉重陽後一日送家兄赴永豐時予亦重有楚南之行別後感賦

昨日同登高今朝竟離別
萍梗無定蹤中腸九迴結
執手臨前浦欲語聲不發
翻恨長江水爲我助嗚咽
秋風偏無情遠送片帆去
頃刻舟不見兩槳隔雲樹
含愁獨自歸一步一回顧
秋江今夜月扁舟泊何處

獨行有感

蕭條古道少人過一徑涼風動薜蘿黃葉下時秋色老亂
山高處夕陽多半生寥落英雄淚萬里飄零游子歌漸覺
年來霜滿鬢客中歲月又蹉跎

鄉思

窗外瀟瀟響孤鐙淡五更鄉思如碧草一夜雨中生

陪家兄游石屋巖

一石結爲山山空鬼斧劈曠然啟豁衍堂廡淨如拭脈脈
泉溜清肅肅雲氣逼巖穴漏天光虛白生四壁何人偏多
事仙佛重裝飾紛紛羅拜勤香煙不暫息祇爲求福來誰
賞境幽僻勝地俗所溷應爲山靈惜我兄饒閒情邀我著
游屐洞外霜葉紅洞中莓苔碧小坐布楸枰衣袂嵐翠滴
一局猶未終夕陽已西匿

孫垓字子九號少樓會稽人諸生有退宜堂詩集

詩話子九於道光時嘗與祥符周素人叔子季旣昆季暨同郡周雪甌王孟調李蕤客陳珊士結言社月舉詩酒之會迭主齊盟咸同間又與吳江王眉叔同郡陶仲彝子續文冲兄弟結皋社兩社中人皆以次取科第有達者不亦階他涂登仕版獨子久屢試不第阨窮无悶其詩亦夷然淡遠肖其爲人

晚過雞鳴寺

落日疲驢踏蘚行雞籠山接古臺城門前遠翠千層而屋後湖光一片明寸寸地荒皆古跡迢迢風起作寒聲游人過此多淒感況際蕭寥客思生

癸亥元旦

白髮蒼顏五十三韶華回首更何堪中年逢亂垂垂老瑣事都親漸漸諳暝日鼠姑舒葉嫩春江魚婢佐餐甘歲朝禮佛無多祝願遂山居一覺酣

寄內

析桂炊珠頗不貲
衰年累爾苦支持
我家乞米尋常事
十萬飢軍待餉時

讀曾文正公集

挑鎧對編簡
仰止德愔愔
學術祛成見
勳名出小心
論文官燭地
籌筆陣雲深
允矣讀書法
千秋佩士林

顧家樹字介卿會稽人有介卿遺草

塞上曲

銜枚度磧夜生寒
鐵甲霜明北斗闌
邊馬遠馳天未曉
提刀直欲靖樓蘭

秋日偕伯兄步鄂西郊外

雁影動高秋
飛雲澹不收
相將問征羽
何日到南州
淺水

波瀾感暮山煙霧稠天風吹百感淒絕此淹留

沈守正字莊士號小樓仁和人諸生有不遠復齋集

高郵道中

濃淡雲容頃刻非雨絲絲裏日光微黏天臂社湖中水坐
看風帆葉葉飛

偶成

望裏平林高復低征車兀兀走長隄楊花似欲留人住亂
向東風裏馬蹏

葉德微字西楣號又樵錢塘人有香雪庵吟橐

村居卽事

遠岫平林小板橋江鄉僻處謝塵囂風侵譚氏村前樹月
落孫家渡口潮兩岸荻蘆秋瑟瑟一羣鳧雁夜蕭蕭漁燈

明滅沙洲外，翦笠樓蓑勝黑貂。

曹廉鶚字菊辰一字掬澄嘉善人貢生有雙橋草堂詩

橐

與杏林談禪作禪語贈之

聽人說真諦言下頗了了然求上乘禪莫若無言好有時
笑口開我亦不自曉持定無無想此身亦可少

汾源雜詩

道是山城卻水鄉小橋略約足徜徉柳陰深處垂綸坐釣
得游鱗二寸長

吳德純字雪溪歸安人有聽蟬書屋詩錄

春日至上土橋過任處士莊

放眼郊原闊清幽愛郭西垂楊藏野店春水漲前溪興愜

忘途遠情歡悵日低穿林行幾曲遙指是高樓
修竹圍茅舍鳥聲喜客來居鄉憐野逸煮酒樂追陪子秀
書能讀童癡釣未回殷勤重惜別遠寺暮鐘催

郭肇字懷初一字復亭諸暨人諸生有東埭詩鈔

詩話譚復堂作東埭生傳稱其詩文皆有東法集中詩多避亂時作雖憂時傷亂而無噍殺之音

別沈素庭

大雅久不作風塵吾所憐相思隔秋水一別暗遙天海上
瑤琴感人間寶劍篇漫游成底事秦望正蒼然

剡溪道中

時清乏勝游世亂輒高舉晨興理清策匍匐忘溽暑剡中
山水區鍾毓自太古探奇興偶逢出險意自許連峯有送
迎累時具仰俯熊虎對踞蹲龍鸞各騫舞神工貴伏藏到

此氣盡吐度嶺陂陀遮迴溪磬确聚細路夾松篁振袂驚
飛雨行行出木杪下視見衡宇夕霏起遙薄回首忽無覩
林荒虎氣遙谷邃風力阻緬彼巢居子願言託啟處方壺
不可卽日暮獨延佇

憶吉竹山房兼懷金氏諸舊好

巖卉林筵望不分四山並作翠氤氳臨溪盡日常疑雨閉
戶一身猶帶雲新筍香時惟縱酒好鶯曉後又離羣年來
頻作還家夢更爲還家苦憶君

宋澤元字瀛士浙江山陰人有懺花盃詩鈔

軍中曲

將軍飲美酒紅爐錦繡圍士卒棲毳幕寒霜擁鐵衣鐵衣
相對淚如雨眼前哀樂是誰主將軍二十便封侯那識人

間征戰苦

絡緯

夜色闌珊月上遲半窗花影弄參差
鐙前絡緯聲聲急似

為愁人織鬢絲

董葆琛字獻臣號嘯蘭慈谿人諸生有學易堂詩稟

雁門童子歌

童子山西代州人姓馮氏名福基年十
四侍父天堂寨巡檢任咸豐七年夏賊
掠天堂被虜入黃梅境宿藥店童子竊毒藥餌死
賊十七人而自仰其餘藥瀕死賊棄之野一僧攜
之去忽稍蘇作書貽其家投
筆而絕其父臚其事徵詩

古來奇跡那有此有此奇跡出童子不能刃賊亦殺賊一

十七賊同時死童子隨宦居天堂倉卒賊勢來披猖盡掠

孩提驅以走日暮同次黃梅鄉飛龍藥店暫安宿一兒無

言眾兒哭卻喜羣賊無我虞逡巡謀賊進鳩毒鳩毒一中

羣賊誅眾兒相向猶躊躇此身自願無生理亦仰餘藥捐
其軀淒涼野寺江村畔欲絕未絕神不渙手作家書貽家
人其志已畢魂乃斷我聞此事心暗悲五尺之童才智奇
自古無獨卻有偶千載以上童汪錡

金其恕字養齋嘉善人諸生有倚雲樓古今體詩

倚樓

木葉蕭蕭下西風人倚樓親朋隔生死身世感沈浮日落
千家暮天高一雁秋烽煙猶不息憑弔古今愁

吳忠誥字子猷浙江石門人有遂思堂詩存

歲暮寄懷家兄子定臨汝舍弟子益洪都

南服地氣燠十月霜始見漫漫雲色殊槭槭風響變池水
收浩渺庭柯改蔥蒨宵征哀蟋蟀來賓感鴻雁繁華憶春

陽凋素迫歲晏索居易永久屢見時物換客游何所樂况
乃非仕宦言誦鳴鳩詩離憂耿申旦

申旦不能寢念我同氣人飄泊各異縣邈若胡與秦百年
復幾何一別三四春山川隔言笑寤寐見精神禽困羅
繼奮飛道無因多憂捐心志易與衰暮鄰懷哉保顏色堂
上有老親

老親年六旬素髮垂兩耳筋力已非昔疴疾漸叢起三時
缺温清百念交懼喜負米徒遠游豈盡奉甘旨况念先世
來潛德久未啟顯揚匪異人凌替責難諉詩書篤遺訓家
聲庶有身相期各努力黽勉自今始

曹駿良字馴夫嘉善人貢生有紫蕙山房詩鈔

仲夏久雨初霽

到枕不成寐連宵雨更風曉煙籠半郭新霽慰三農庭蘚
濃含翠池荷溼暈紅高槐蟬始噤逸韻響晴空

胡兆春字東谷漢陽人有尊聞堂詩集

旅懷

誰爲蒼生起蒼生望竟虛未諳桑孔術空上賈鼂書人重
白頭豕余憐賴尾魚無田歸亦得頻問故山廬

水鳥

萬物各有託所居雲水鄉不隨嘯鳥逐祇爲得魚忙風影
落孤艇波聲上夕陽白鷗自高潔獨立避漁莊

閉關

嶺上白雲自往還扶筇久立印苔斑憐渠作賦終投閣笑
我無錢欲買山阮籍何嘗真善醉安仁可惜不能閒頭顱

如此宜休去松徑蕭疏日閉關

李林芳字蘭畦嘉魚人諸生有養真山人遺草

東津灣

先賢問津處

畢竟津何處滔滔水自東狂瀾誰砥柱失路幾英雄世已
沈淪候人還軍馬中古今同一轍不必怨途窮

徐道元廬墓吟

涼風撼樹走輕稜霜枝夜夜唳烏鵲千秋遺恨幾皋魚我
思古人今不作觀山徐元人中豪頽波滾滾能插腳場室
三載苦羈棲誰與伴者陶公鶴哀感地祇上升聞帝諭觀
火須洞若炎官脚旨來墓田火織高撐勢煜爍茅茨散作
劫灰飛元身翼主淚珠落頭額可焦膚可灼赤子之心鐵
堪嚼帝曰汝孝宜汝嘉三日卽瘳可勿藥精誠耿耿格彼

蒼孝根天性豈外鑠喟余失怙守堊廬三載視融兩膈膊
朔雪壓廬賴反風此事追憶猶如昨得毋有主相冥漠令
我對此滋慚忤葛藟緜緜枝條弱海上啣石空填雀如君
元精貫湯鑊坐火不死死亦樂祇今尙餘炮烙瘡舉似剖
股舊痕無隔膜

築隄

潮退鼓聲謹潮來鼓聲靡一鼓遏洪流鼓衰潮益駛我家
江南湄卑溼那足齒力田四十年秋成未一紀汨溷乃其
常不溷特偶耳今夏勢更惡大工方未已蛟鱷戀舊鄉仍
欲窟其裏一躍水倒流再躍濤四起畚鍤勤萬夫不供一
掉尾野老泣向天帝閭安可啟歸視索逋人絡繹如流水

夢亡友彭可人

樹坊

後死蓬飄甚人間劇可哀多君存友誼一夕渡江來妻子
勞薪米干戈逼草萊廿年艱苦事知不到泉臺

陳戊字左卿善化人有歸樸堂詩存

六月十日偕竹虛過芥孫

近喜蛟螭迹已潛

今歲苦雨數月至

始息相將訪舊不辭炎嘔心詩

橐探懷出娛目圖書信手拈盡日清談臨水檻有時散步
立風檐閒中分得幽人趣點綴煙雲上筆尖

凌翺字翼雲善化人有焚餘詩草

望君山

長鯨吞不得愛此一拳青巨浸還終古孤根衛百靈江深
風雨冷秋老杜蘅馨欲駕龍鼉往題詩卅六亭

匡南枝字子庾祁陽人諸生有愛梧堂詩鈔

游陽山庵贈宋禪師

猶記祇園九日游
寒山落葉幾經秋
慙儂十載徒烏帽
輸汝一庵到白頭
貝葉飄殘來去劫
天花散盡古今愁
虎溪自此宜聯社
爲愛高人惠遠儔

游陽山庵次韻答李大

曾從春裏踏殘紅
剝啄禪關一笛風
茶味恰添鐘梵後
詩情遙在水聲中
百年鶴徑老松樹
三月鶯花古佛宮
賸有蒼涼數行字
擬參半偈萬緣空

七里灘阻風

一棹麋城下
風高浪拍天
灘頭千艫避
沙尾萬舟懸
餘靄浮孤鳥
殘陽曳暮蟬
滄江虹貫月
誰問米家船

李謨字禹臣善化人有壽梅山房詩存

奉母還長沙暮泊城外親友枉問話至夜分慨然有

賦

五日零丁離虎穴一家生死此漁舟已拌異地理詩骨竟
有驚魂出逆流兵火餘生成駭鹿江湖何處著閒鷗嚴城
永夜催歌哭刁斗聲聲無限愁

鄉關已近意還驚五月危舟泊岸輕六十衰親歸故國一
彎新月冷孤城卻憐弟妹嘗辛苦久累親朋卜死生百里
煙塵竦長夜艱難何以慰深情

得湯臣弟書

小別又三月鄉心慘不舒可憐五十日纔得一封書喪亂
思同氣艱難況索居烽煙方未已生理復何如

蔣本璋字少甫湘鄉人有少甫遺詩

漢口

江漢交流處寒潮瀉碧空
龍鼉驕跋浪雁鶩飽乘風
遠樹含煙綠危檣挂日紅
一聲長笛晚嵐氣正濛濛

婁妃墓

紂用婦言亡甯王竟反是
夜夜婁妃魂哀哀怨江水
墓門秋風起颯颯響空林
似鼓湘靈瑟悽愴裏餘音

徐楫字秋湄成都籍建德人
諸生有澹宜草

秋日謁賈閬仙墓

讀徧殘碑碣憑高坐石欄
山空秋氣肅亭古日光寒
碧酒招魂易黃金鑄像難
九原風月夜雅調向誰彈

老馬

鼓鼙聲久斷疆場伏櫪何顏對
紫緡一顧幾經逢伯樂千

金無復遇燕王曾隨射虎嘶邊月且共疲驢卧夕陽漫詡
識途爲絕詣籥雲終竟遜飛黃

冉崇文字右之西陽人諸生有二酉山房詩鈔

和秦樂山九日登高原韻

萬里橋南我舊游琳宮梵宇足清幽寒鴉幾點道旁樹清
磬一聲江上樓訪古先從碑碣認醉歸偶爲管絃留惟餘
一事慚佳節七度都逢旣耗秋

張品楨字肖廬南海人諸生有清修閣橐

朱磨伯日先生少孤貧力學尙氣節能文章予最愛
其論說以謂本其所見使得以藉手必有大過人者
惜乎其以
青衿老也

讀白樂天詩書後

細玩樂天詩情眞語自摯雖乏建安骨要具風人致顏謝

窮幽深雕刻非所志陶公本性真臭味原無二縱非李杜
匹雅可張一幟昌黎逞雄肆所就各殊異長吉苦嘔心奚
如此樂易微之夙並馳恐或難聯轡中倫與中慮逸情常
遠寄時似天籟鳴願盼饒嫵媚不必鬪奇險切切含鼓吹
胸懷凜冰清吐屬絕塵累如以佛法論騷壇大自在高吟
賀雨篇孰是音可嗣

李紹宗字子迪賀縣人有不求聞達齋詩鈔

游石壁頭廣福庵

約伴清游上翠微參天石壁隱禪扉高吟人在千山上長
嘯聲從萬壑歸怪石奇應疑虎踞蒼松老欲化龍飛旁人
共指高僧墓蘭茝春來碧四圍

張人鑑字鏡蓉貴筑人有鈞珊遺草

詩話鏡蓉負神童名下筆好作奇賦
語年止十有九較昌谷更不如矣

詠史

鴻門宴罷約鴻溝成敗機關誤項劉百二河山秦苑火八
千子弟楚人羞干戈赤縣驅亡鹿冠蓋烏江葬沐猴聞到
拔山歌一曲淒淒垓下水東流

陸敘卿字少葵蘭谿人諸生

憶劍歌效昌谷體

靜吸西江斟北斗鞭鸞笞鳳星辰走足躡蓬萊頂上行孤
柱擎天憑隻手金人奉劍凌波迎玉女投壺含笑久王母
晨參青鳥翔馮夷晝舞靈鼉吼騎鯨捉月吞入腹絳官長
使銀蟾守左揮神犀截一角右拂奇鶴墮九首網得珠淵
五色蚪恢恢游刃當筵剖淵妃鼓瑟夔拊琴如山麟脯如

河酒娶妻不必陰麗華
獨對嫦娥作佳偶
高宴崑崙擲渾
花三百玉龍償博負

晚晴簃詩匯卷一百六十九終